


# 陝西通志




第八十二卷

紀事七

明 金 元

DS  
793  
S45 S5  
1735  
v.82







陝西通志第八十二卷

紀事十

**金**

太宗天會五年

宋高宗建炎元年

冬十二月取宋同華二州破潼關

建炎元年十二月甲戌金人陷同州守臣鄭驥死之庚辰金人陷

華州辛巳破潼關

宋史高宗本紀

金婁宿至河中官軍扼河西岸不得渡

乃自韓城履水過陷同州華州沿河安撫使鄭驥赴井死金兵破

潼關中原大震

宋元通鑑

六年

宋建炎二年

春正月取宋永興軍宋經畧使唐重死之

婁宿既陷同華諸州遂圍永興軍時京兆兵皆為經制使錢蓋調

赴行在經畧使唐重度勢不可支以書別其父及金兵圍城重與

守臣會盟死守而經制副使傅亮以精銳數百奪門出降重遂與



副總管楊宗閔提舉軍馬程迪提點刑獄郭忠孝等八人俱死

宋元

通鑑○按是月宋王擇仁復永興軍

二月取宋鳳翔

金婁宿既陷永興鼓行而西勢益張引兵犯熙河經畧使張深遣都監劉惟輔以精騎二千禦之夜趨新店金人恃勝不虞黎明軍進惟輔舞稍刺其帥黑鋒洞曾墮馬死深更檄張嚴往追之嚴追婁宿及鳳翔境上銳意擊賊至五里坡婁宿伏兵坡下嚴與曲端期不至徑前遇伏戰不利死之婁宿陷鳳翔守臣劉清臣棄城去

宋元通鑑

秋八月婁室

一作宿

等取下邽九月破宋兵於同州

八月乙卯婁室敗宋兵於華州訛特刺破敵於渭水遂取下邽九月辛丑緇果等敗宋兵於蒲城甲辰又破敵於同州乙丑取丹州



金史太  
宗本紀

太宗命婁室蒲察專事陝西以婆盧火繩果監戰繩果等

遇敵於蒲城及同州皆破之

婁室  
傳

冬十一月取宋延安王庶帥師救之不克

十一月庚寅蒲察婁室取延安府

金史太  
宗本紀

王庶至京兆節制陝西

六路軍授端團練使充節制司統制端不欲屬庶金諜知端庶不  
協併兵攻鄜延時端盡統涇原精兵駐淳化庶日移文趣其進兵  
端不聽乃遣吳玠攻華州拔之端自分蒲城而不攻引兵趨耀之  
同官復迂路由邠之三水與玠會襄樂金攻延安急庶收散亡往  
援知鳳翔府王瓌將所部發興元比庶至甘泉而延安已陷庶無  
所歸以軍付瓌自將百騎與官屬馳赴襄樂勞軍猶以節制望端  
欲倚以自副端彌不平問延安失守狀欲卽軍中殺庶奪其兵明  
日庶見端爲言已自劾待罪端拘縻其官屬奪其節制使印庶乃



得去

宋史曲端傳

婁室克丹州破臨真進克延安府遂降綏德軍及靜

邊懷遠等城寨十六復破青澗城

金史婁室傳

圍晉寧宋知府州折可求來降

金人既破延安遂自綏德渡河圍晉寧

今葭州

知軍事徐徽言約可

求出兵夾攻金人婁宿聞之執可求之子彥文使爲書招可求可

求遂以所屬麟府豐三州降金可求與徽言連姻金人使招徽言

於城下徽言引弓射之可求走徽言引兵擊虜大敗之

通鑑續編

七年

宋建炎三年

春二月克晉寧軍宋守臣徐徽言死之

晉寧所部九寨皆降而晉寧軍久不下婁室欲去之賽里不可曰

此與夏隣且生他變城中無井日取河水以爲飲乃決渠於東泄

其水城中遂困李位石乙啓郭門降諸將率兵入城守將徐徽言

據子城戰三日衆潰徽言出奔獲之使之拜不聽臨之以兵不爲



動繫之軍中使先降者諭之降徽言大罵與統制孫昂皆不屈乃并殺之遂降定安堡渭平寨及鄜坊二州於是婁室婆廬火守延安折可求屯綏德延安鄜坊州皆殘破人民存者無幾婁室置官府安輯之

金史婁室傳

八年

宋建炎四年

春正月取宋同州三月拔終南縣

正月金人犯邠州吳玠拒戰敗之彭原又陷同州三月金人拔終南縣經畧使鄭恩戰敗死之

宋史高宗本紀

夏四月婁室克邠州

天會八年四月辛丑婁室戰於淳化勝之醴州降遂克邠州

金史太宗

本紀

金人攻環慶端遣吳玠拒於彭原店端自將屯宜祿玠先勝既

而金軍復振玠小却端退金乘勝焚邠州

宋史曲端傳

秋七月命皇太子宗輔爲右副元帥督師陝西



先遣婁室經畧陝西所下城邑叛服不常其監戰阿盧補請益兵  
帥府會諸將議以皇子右副元帥宗輔往爲宜以聞詔曰婁室往  
者所向輒克今使專征陝西淹延未定豈倦於兵耶關陝重地卿  
等其戮力焉

金史太  
宗本紀

九月元帥宗輔等敗宋軍於富平耀州鳳翔皆降

宋張浚兵取陝西帝至洛水治兵張浚騎兵六萬步卒十二萬壁  
富平帝至富平婁室爲左翼宗弼爲右翼兩軍並進自日中至昏

暮凡六合戰玠言宜各守要害湏其弊而乘之及次富平都統制

金史唐  
宗世紀

張浚合五路兵欲

與金人決戰玠言宜各守要害湏其弊而乘之及次富平都統制  
又會諸將議戰玠曰兵以利動今地勢不利未見其可宜擇高阜  
據之使不可勝諸將皆曰我衆彼寡又前阻葦澤敵有騎不得施  
何用他徙已而敵驟至輿柴囊土藉淖平行進薄玠營軍遂大潰



五路皆陷玠退保散關

宋史吳玠傳

張浚復永興元未入援大戰於富

平涇源帥劉錡身率將士薄敵陳殺獲頗衆會環慶帥趙哲擅離

所部哲軍將校望見塵起驚遁諸軍皆潰浚斬哲以徇退保興州

張浚傳

睿宗與張浚戰於富平宗弼左翼軍已却婁室以右翼力戰

軍勢復振張浚軍遂敗睿宗曰力疾鏖戰遂破巨敵雖古名將何

以加也以所用犀玉金銀器及甲冑並馬七匹與之

金史婁室傳

冬十一月將軍馬五等敗宋軍於隴州

天會八年十一月馬五等擊宋吳玠軍于隴州癸亥宗輔以陝西

事狀聞詔獎諭之

金史太宗本紀

完顏習不主從睿宗經畧陝西出隴州

以兵四百敗敵數千

習不主傳

九年冬十一月賜劉豫陝西地

天會九年十一月己未以陝西地賜齊

金史太宗本紀



十年

宋紹興二年

冬十二月取宋金州

天會十年十二月庚子撒離喝克金州

金史太宗本紀

金久窺蜀以璘駐

兵和尚原扼其衝不得逞將出奇取之時玠在河池用叛將李彥

琪駐秦州睨仙人關以綴玠撒離喝自商於直擣上津取金州

宋史

吳玠傳

三年正月兀术入侵自上津疾馳不一日至洵陽統制官郭

進死之彥退保石泉金人入金均彥趨西鄉

王彥傳

金人將道金商

以嚮四川公以書諭金州經畧使王彥使伏彊弩於險以俟之彥

習用短兵屢平小盜不以公言為意敵猝至不知所為逆戰果敗

走保石泉

朱子劉子羽神道碑○按宋史云紹興三年正月金克金州與此互異

十一年

宋紹興三年

春正月撒離喝帥師克洋州遂入興元

天會十一年正月丁卯撒離喝敗吳玠於饒風關戊辰取洋州甲

戌入興元府

金史太宗本紀○饒風之戰詳見宋紀中



冬十一月取宋和尚原

金兀术陷和尚原於是宣撫司分陝西之地自秦鳳至洋州吳玠主之屯仙人關金房至巴達王彥圭之

通鑑

熙宗天眷三年夏六月陝西平

五月丙子詔元帥府復取陝西地命右監軍撒離喝出河中趨陝

西六月陝西平秋七月乙卯宗弼遣使奏陝西捷

金史熙宗本紀

金兀术

以歸陝西爲非計及撻懶誅遂命撒離喝出河中趨陝西撒離喝

入同州趨永興軍權知軍事郝遠開門納之陝西州縣所至迎降

遂進據鳳翔初關陝新復朝廷分軍屯熙秦鄜延諸路撒離喝既

至鳳翔陝西諸軍皆隔在後遠近震恐

宋元通鑑

秋八月詔撫諭陝西

八月辛巳詔撫諭陝西五路

金史熙宗本紀



皇統三年春三月詔陝西富民納粟補官

皇統三年三月陝西旱饑詔許富民入粟補官

金史食貨志

海陵正隆六年

宋紹興三十一年

秋九月克宋大散關

是年十月世宗立改元大定

九月徒單合喜由鳳翔取散關

金史海陵紀

世宗大定元年冬十二月詔副元帥完顏穀英規措陝西軍事

穀英本名撻懶攝河東南北兩路兵馬都總管朝廷以陝西與宋

已而復取之師至耀州宋人每旦出城張旗閱隊抵暮而還道隘

騎不得逞穀英請兵五百薄暮先使五十人趨山巔令之曰日日

視敵出舉幟指其所向乃以餘兵伏山谷間明日城中人出閱如

前山巔旗舉伏兵發宋兵爭馳入城穀英麾軍登城拔宋幟立金

軍旗幟宋軍後者望見之不敢入遂降城中人亦降

金史穀英傳

二年春三月詔釐正陝西良民



大定二年三月癸亥詔陝西昨因捕賊良民被虜爲賊者釐正之

金史世宗紀

夏五月萬戶裴滿等擊宋兵於華州敗之

大定二年五月丁巳押軍萬戶裴滿按刺猛安移刺沙里刺敗宋

兵於華州

金史世宗本紀

三年春二月詔撫諭陝西

大定三年二月壬申詔撫諭陝西

金史世宗本紀

四年冬十二月取商州

大定四年十二月丁亥尚書省奏都統高景山取商州

金史世宗本紀

十二年鄜州同州民作亂討誅之

大定十二年九月鄜州李方等謀反伏誅十一月同州民屈立等

謀反伏誅

金史世宗本紀



章宗明昌六年春正月詔罷陝西括地

正月庚戌罷陝西括地

金史章宗本紀

泰和五年冬十一月商州兵擊敗宋師於丹河

泰和五年十一月乙酉宋人攻洛南之固縣商州司獄壽祖追至

丹河擊敗之

金史章宗本紀

六年冬十月命陝西諸道兵伐宋

六年十月戊申朔平章政事僕散揆督諸道兵伐宋右監軍充以

關中兵一萬出陳倉右都監蒲察貞以岐隴兵一萬出成紀隴州

防禦使完顏璘以本部兵五千出來遠

金史章宗本紀

十二月宋將吳曦來降克大散關取鳳州

六年十二月癸丑宋宣撫使吳曦納欵於完顏綱戊午右監軍充

攻下大散關辛酉完顏抄合以兵趣鳳州城潰入焉完顏綱遣京



兆錄事張仔會吳曦於興州之置口曦具言所以歸朝之意仔請

以告身為報盡出以付之乙丑完顏綱以朝命假太倉使馬良顯

齎詔書金印立曦為蜀王

金史章宗本紀

時曦已布腹心於金將士未之

知都統制母思以重兵守大散關曦因撒驀關之戍敵由板關谷

遶出思後思遁金遂陷大散關曦退屯置口舉人陳國飭投甌上

書言曦必叛侂冑不省興州見兩日相摩金遣吳玠持詔書金印

封曦為蜀王曦密受之還興州翌日曦召分屬意謂東南失守車

駕幸四明今宜從權濟事王翼楊騃之持言曰如此則相公八十

年忠孝門戶一朝掃地矣曦曰吾已決曦遂北向受印

宋史吳曦傳

衛紹王大安二年秋八月夏人寇葭州

大安二年八月夏人侵葭州

金史衛紹王紀

夏自天會初與金議和八

餘年未嘗交兵至是為蒙古所攻求救於金金主永濟新立不能



出師夏人怨之遂侵葭州金慶山奴擊敗之而去

通鑑續編

三年夏人寇邠涇鄠韓玉敗之

夏人連陷邠涇陝西安撫司檄玉以鳳翔總管判官爲都統府募

軍旬日得萬人與夏人戰敗之獲牛馬千餘當路者忌其功驛奏

玉與夏人有謀朝廷疑之使使者授玉河平節度副使

金史韓玉傳

崇慶元年春三月夏人寇葭州

崇慶元年三月夏人犯葭州延安路兵馬總管完顏奴婢禦之

金史

衛紹王紀

至寧元年六月夏人寇保安

至寧元年六月夏人犯保安州殺刺史

金史衛紹王本紀

宣宗貞祐二年夏人寇延安

貞祐二年夏人攻延安乃詔有司移文責問

金史西夏傳



三年夏五月命大臣鎮撫京兆

三年五月戊子謀伐西夏遣大臣鎮撫京兆

金史宣宗本紀

九月詔給陝西世襲蕃部巡檢俸定立功賞格

三年九月丙寅樞密院言陝西世襲蕃部巡檢昨與世襲猛安謀克例罷其俸今邊事方急宜仍給之庶獲其用從之乙亥詔邠州經兵四品以下職事官並以二十月爲滿壬午以空名宣勅付陝西宣撫司凡夏人入寇有能臨陣立功者並聽遷授

金史宣宗本紀

冬十月夏人寇保安及延安累戰破之

三年十月夏人入保安都統完顏國家奴破之攻延安戍將又敗

之

金史宣宗本紀

元兵攻潼關不克

蒙古主駐魚兒渚遣三哥拔都帥萬騎自西夏趨京兆以攻潼關



不能下遂赴汴京

宋元通鑑

四年秋八月夏人寇安塞元帥左監軍烏古論慶壽遣軍敗之

烏古論慶壽貞祐四年遷元帥左監軍兼陝西統軍使駐兵延安

敗夏人於安塞堡戰於鄜州之倉曲谷有功

金史烏古論慶壽傳

九月元兵攻坊州

九月辛巳朔元兵攻坊州以簽樞密院事永錫為御史大夫領兵

赴陝西便宜從事

金史宣宗本紀

冬十月元兵克潼關

貞祐四年十月己未命元帥左監軍必蘭阿魯帶守潼關元兵攻

潼關西安軍節度使泥龐古蒲魯虎戰沒乙丑命移剌周剌阿不

屯關陝

金史宣宗本紀

金御史臺言敵兵踰潼關峭汙深入重地願陛下

命陝西兵扼拒潼關金主以奏付尚書省平章术虎高琪曰臺臣



素不習兵備禦方畧非所宜也遂止

宋元通鑑

十一月復潼關

四年十一月戊戌華州元帥府復潼關

金史宣宗本紀

興定元年夏六月修潼關

興定元年六月修潼關遣中使持詔及暑藥勞夫匠

金史宣宗本紀

秋九月夏人寇綏德

元年九月戊寅夏人犯綏德之克戎塞都統羅世暉逆擊却之

金史

宣宗本紀

二年夏遣兵破宋鷄公山及香爐堡

興定二年四月丁巳陝西行省兵破宋鷄公山五月辛未朔鳳翔

元帥完顏間山破宋人部落塢香爐堡諸屯乙未第鳳翔道南征

將士功各遷其官戊戌陝西行省連報承裔等入宋境之捷

金史宣宗



組本

夏人寇鄜延慶山奴敗之

二年五月夏人率步騎三千由葭州入寇慶山奴以兵逆之戰於

馬吉峯殺百餘人斬酋首二級生擒數十人獲馬三十餘匹金史慶山

奴傳

三年春二月詔甄別陝西官吏

興定三年二月甲寅詔陝西行省從七品以下官許注擬有罪許

決罰丁憂待闕隨宜任使軍官徒以上罪及軍事怠慢者巡按御

史治之金史宣宗本紀

二月取宋興元及洋州

三年三月丁卯朔陝西兵破宋虎頭關取興元洋州金史宣宗本紀內族

白撒破虎頭關敗宋兵於七盤子鷄冠關褒城縣官民自焚城宇



遁因取其城興元府提刑兼知府事趙希昔聞兵將至率官民遁  
於是白撒遂取興元以駐兵焉命提控張秀華馳視洋州官民亦  
遁又取其城尋聞漢江之南三十里宋兵二千據山而陣遣提控  
唐括移失不擊走之行省以捷聞宣宗大悅

金史內族  
白撒傳

夏五月鳳翔兵擊宋人於黃牛堡敗之

三年五月乙未朔鳳翔元帥府遣兵敗宋人於黃牛等堡

金史宣  
宗本紀

秋閏七月夏人寇葭州敗走之

三年閏七月夏人破葭州之通泰塞提控納合買住擊敗之自葭

蘆川遯去華州元帥完顏合達出安塞堡克其西南會暮乃還

金史

西夏  
傳

四年春二月慶山奴圍夏神堆破之

興定四年二月元帥慶山奴攻夏宥州圍神堆府穴其城士卒有



登者援兵至擊走之斬首二千俘百餘人獲雜畜三千餘

宋史西夏傳

秋八月陝西行省來獻捷

四年八月甲戌陝西行省報龕谷敗夏人之捷

金史宣宗本紀

九月夏人入寇

九月夏人圍綏平寨定安堡

金史西夏傳

五年冬十月元兵入葭州攻綏德十一月圍延安

十月木華黎由東勝州涉河引兵而西夏主聞之懼遣塔海監府

等宴木華黎於河南且遣塔哥甘普將兵五萬屬焉木華黎引兵

東行入葭州金將王公佐遁木華黎以石天應權行臺守葭而自

將兵攻綏德破馬蹄克戎兩寨夏主遣迷僕帥衆會之十一月木

華黎進攻延安金元帥合達與納合買住禦之合達以兵三萬陳

於城東蒙古將蒙古不花先以騎士三千趨之約半夜伏發木華



黎乃命軍士銜枚潛進伏於城東兩谷中次日蒙古不花望見金兵佯棄旗鼓走金兵追之木華黎出伏乘其後鼓鼙震天金兵大亂木華黎追殺七千餘人合達走入延安城堅壁不出木華黎以城池堅深猝不可拔乃留軍圍之而自將兵南攻鄜坊等州宋元通鑑蒲城縣民謀反伏誅

十一月辛丑蒲城縣民李文秀等謀反伏誅

金史宣宗本紀

十二月元兵下潼關京兆閏月元兵徇鄜州官軍復葭州

興定五年十二月辛亥以元兵下潼關葭州詔省院議之閏月辛

巳元兵徇鄜州辛卯官軍復葭州

金史宣宗本紀

元光元年冬十月詔安撫陝西避兵官民

元光元年十月以京兆官民避兵南山者多至百萬詔兼同知府

事完顏霆等安撫其衆

金史宣宗本紀



十一月元兵克同州節度使李復亨等死之

元年十一月丁未元兵徇同州定國軍節度使李復亨同知定國

軍節度使訛可皆自盡

金史宣宗本紀

元兵趨長安遂圍鳳翔

元木華黎所過州縣皆下使蒙古不花引遊騎出秦隴以爲聲援

而自將兵趨長安使兀胡乃太不花屯守之遣安赤將兵斷潼關

宋元通鑑

元大將蒙古不花攻鳳翔朝廷以主將完顏仲元孤軍不足

守禦命赤蓋合喜將兵援之

金史赤蓋合喜傳

二年春二月鳳翔圍解

元光二年元木華黎國王斜里吉不花等及夏人步騎數十萬圍

鳳翔東自扶風岐山西連汧隴數百里間皆其營柵攻城甚急合

喜盡力禦之元師乃退

金史赤蓋合喜傳



哀宗正大四年秋七月元兵逼京兆

正大四年七月元兵自鳳翔徇京兆關中大震

金史哀宗本紀

六年春二月命完顏賽不帥關中移刺蒲阿移駐邠州

正大六年二月以丞相完顏賽不行尚書省事於關中召移刺蒲

阿率忠孝軍總領完顏陳和尚忠孝軍一千騎駐邠州

金史哀宗本紀

七年冬十月元兵入陝西詔完顏合達等備潼關

初蒙古使幹骨藥至陝西議和金行省移刺蒲阿紇石烈牙吾荅

等懼其泄事機留之及蒲阿既解慶陽之圍志意驕滿乃遣幹骨

藥還謂之曰我已準備軍馬能戰則來幹骨藥還見蒙古主白之

蒙古主怒卽與其弟拖雷帥衆入陝西翺翔京兆同華之間破諸

山寨柵六十餘所遂趨鳳翔金以平章政事完顏合達及移刺蒲

阿行省事於閬鄉以備之

宋元通鑑



八年春正月元兵圍鳳翔夏四月克之

正月元兵圍鳳翔府四月元兵平鳳翔府兩行省棄京兆遷居民

於河南

金史哀宗本紀

四月蒙古圍鳳翔府金行省合達蒲阿逗遛不進

金主遣樞密判官白華往諭之合達蒲阿言北兵勢盛不可輕進  
白華還金主復遣諭以鳳翔圍久恐守者不能支可領軍出關畧  
與渭北軍交手北軍聞之必當奔赴少紓鳳翔之急合達蒲阿乃  
始出關行至華陰界與渭北軍交戰比晚收軍入關不復顧鳳翔  
矣蒙古遂取鳳翔合達蒲阿遷京兆民於河南使完顏慶山奴戍  
之

宋元通鑑

天興元年春正月潼關守將李平以關降元

金聞蒙古兵入饒風關遣徒單兀典備潼關徒單百家爲關陝總  
帥便宜行事會阿里合傳旨召兀典援汴兀典遂與潼關總帥納



合合閏秦藍總帥完顏重喜等帥軍十一萬五千盡撤秦藍諸關之備從號入陝同華一帶軍糧數十萬斛備關船二百餘艘皆順流東下俄聞蒙古兵近糧不及載船悉空下金守將李平以潼

關叛降於蒙古

宋元通鑑

世祖中統元年五月阿藍荅兒及劉太平等反廉希憲討斬之

四月蒙古以廉希憲爲陝西四川宣撫使阿里不哥聞忽必烈已立命阿藍荅兒發兵於漠北諸部又命劉太平霍魯懷拘收關中錢穀時渾都海將兵屯六盤太平等陰相結納五月劉太平霍魯懷聞希憲將至乘傳急入京兆謀爲變秦人前被阿藍荅兒太平等威虐聞其來皆破膽越二日希憲亦至盡得太平魯懷與渾都海密里霍者乞台不花要結狀希憲集僚佐謂曰主上命我輩正



爲今日遂分遣人掩捕太平魯懷等又命總帥汪良臣帥諸軍進討渾都海會有詔赦至希憲命殺太平等於獄方出迎詔渾都海知京兆有備巴渡河與阿藍荅兒合軍而南希憲乃遣使自劾停赦行刑徵調諸軍諸罪詔賜希憲金虎符進平章政事行省秦蜀商挺參知省事

宋元通鑑

三年冬遣使往陝西理刑

中統三年十一月遣官審理陝西重刑

元史世祖本紀

至元元年秋八月鳳翔僧謀亂籍沒之

鳳翔府龍泉寺僧超過等謀亂遇赦沒其財羈管京兆僧司

元史世祖

本紀

十年造船於梁洋

至元十年於興元金洋州等處造船二千

元史世祖本紀



仁宗延祐三年冬十一月周王和世琜及陝西丞相阿思罕等稱兵反

二年十一月甲戌立武宗子和世琜爲周王出鎮雲南三年十一月周王和世琜次延安其臣秃忽魯及武宗舊臣釐日教化沙不丁哈八兒秃等皆來會教化等謀曰天下者我武宗之天下也王之出鎮本非上意由讒構致然請以其故白行省聞之朝廷庶可杜塞離間遂與數騎馳去先是阿思罕爲太師鐵木兒奪其位出之爲陝西丞相及教化等至卽與平章塔察兒行臺御史脫里伯中丞脫歡悉發關中兵分道自潼關河中府入已而塔察兒襲殺阿思罕教化 and 世琜遂西行至北邊金山西北諸王察阿台等率

衆來附

宋元通鑑

英宗至治元年邵陽黃冠劉志先作亂伏誅



至治元年七月邵陽道士劉志先以妖術謀亂捕誅之續文獻通考

二年春三月鳳翔黃冠王道明作亂伏誅

至治二年三月鳳翔道士王道明妖言伏誅元史英宗本紀

泰定帝致和元年秋八月懷王遣兵守潼關

致和元年八月遣前萬戶李羅等將兵守潼關元史文宗本紀

文宗天曆元年九月遣兵守武關

致和元年九月命襄陽萬戶楊克忠鄧州萬戶孫節以兵守武關

元史文宗本紀○按是年七月泰定帝崩八月太子阿速吉八即位上都改元天曆武宗次子懷王圖帖睦爾入京師九月即位

文宗改元天曆即致和元年也

冬十月遣使招諭陝西守臣不奉詔

初燕帖木兒遣人召陝西行省平章探馬赤行臺御史馬札兒台

皆不至至是使者頒懷王即位詔至陝西省臣臺臣焚毀其詔執



其使械送於上都

宋元通鑑

靖安王闊不花等起兵陝西

闊不花等將陝西省兵東擊潼關破之御史大夫也先帖木兒分

兵渡河帖木哥南過武關橫絕數千里河南大震

宋元通鑑

順帝至正十五年春正月命親王大臣分守陝西要地

至正十五年春正月命陝西行省參知政事述律朶兒只守禦潼

關宗王扎牙失里守禦興元陝西行省參知政事阿魯溫沙守禦

商州詔豫王阿剌忒納失里與陝西行省平章政事搠思監從宜

商議軍事八月命親王寬徹班守興元

元史順帝本紀

十七年春二月李武崔德等陷商州察罕帖木兒擊敗之

至正十七年二月李武崔德等破商州攻武關遂直趨長安分掠

同華諸州三輔震恐時豫王阿剌忒納失里及省院官皆恟懼計



無所出行臺治書侍御史王思誠曰察罕帖木兒之名賊素畏之  
宜遣使求援此上策也守將恐其軋已論久不決思誠曰吾兵弱  
旦夕失守咎將誰歸乃移書察罕帖木兒曰河南陝西兩省互爲  
唇齒陝西危則河南豈能獨安察罕帖木兒新復陝州得書大喜  
遂提輕兵五千與李思齊倍道來援遇賊轉戰殺獲無算餘黨皆  
潰散朝廷論功以察罕帖木兒爲陝西行省左丞

宋元通鑑

冬十月僞宋將陷興元遂圍鳳翔察罕帖木兒擊走之

至正十七年十月白不信大刀教李喜喜陷興元遂入鳳翔

元史順帝

本紀不信等既陷秦隴遂窺鳳翔察罕帖木兒卽先分兵入守鳳翔

城而遣諜者誘不信圍鳳翔凡數十重察罕帖木兒自將鐵騎晝  
夜馳二百里往赴比至去城五里所分軍張左右翼掩擊之城  
中軍亦鼓譟而出内外合擊呼聲動天地不信等大潰及李喜喜皆



遁入蜀

通鑑續編

二十年秋九月察罕帖木兒及索羅帖木兒戰於東勝州

九月索羅帖木兒引兵攻冀寧察罕帖木兒調延安軍拒戰於東

勝州詔遣使和解之

延綏鎮志

二十一年夏四月以張良弼爲陝西行省參政

時索羅兵旣罷還遂遣良弼引兵出南山義谷駐藍田受節制於

察罕帖木兒良弼又陰結平章定住聽丞相帖里帖木兒調遣營

於鹿臺察罕銜之

宋元通鑑

二十二年春三月李思齊及張良弼戰於武功敗績

至二十二年三月李思齊遣兵攻張良弼至於武功良弼以伏

兵大破之

元史順宗本紀

先是察罕帖木兒及李思齊遣兵攻張良弼詔

旣和解之恐其終不和尋申諭二將各以兵自効未幾思齊復遣



兵攻良弼良弼伏兵武功敗之

宋元通鑑

夏五月明玉珍寇興元

明玉珍徐壽輝故將也聞陳友諒弒壽輝遂自稱隴蜀王分兵犯

興元陝西參政車里帖木兒擊敗之擒其弟明二

宋元通鑑

二十三年夏五月竹貞襲據長安擴廓帖木兒遣兵擊降之

至正二十三年五月擴廓帖木兒部將歹驢等駐兵藍田七盤李

思齊攻圍興平遂據蓋屋李羅帖木兒時奉詔進討襄漢而歹驢

阻道於前思齊踵襲於後乃請催督擴廓帖木兒東出潼關道路

既通即便南討戊申李羅帖木兒遣竹貞等入陝西據其省治時

陝西行省右丞荅失鐵木兒與行臺有隙恐陝西爲擴廓帖木兒

所據陰結於李羅帖木兒請竹貞入城劫御史大夫完者帖木兒

及監察御史張可遵等印其後屢使詔完者帖木兒貞拘留不遣



擴廓帖木兒遣部將貊高與李思齊合兵攻之竹貞出降

元史順帝本紀

二十五年冬閏十月命擴廓帖木兒總督關中

閏十月詔以擴廓帖木兒總制關陝諸道軍馬陟黜予奪悉聽便宜而行擴廓帖木兒於是分省自隨官屬之盛幾與朝廷等

元史擴廓傳

二十六年春二月張良弼拒命擴廓帖木兒遣兵討之

擴廓帖木兒還河南調度各處軍馬張良弼拒命三月擴廓帖木

兒遣兵西擊良弼李思齊脫烈伯孔興等兵皆與良弼舍

元史順帝本紀

初李思齊與察罕帖木兒同起義兵齒位相等及是擴廓總其兵

思齊不能平而張良弼遂首拒命孔興脫烈伯等亦皆恃功懷異

請別爲一軍莫肯統屬釁隙遂成擴廓遣關保虎林赤以兵西擊

良弼於鹿臺思齊與脫烈伯孔興等皆與良弼合擴廓遣關保等



合兵渡河且約思齊以攻良弼良弼遣子弟質於思齊連兵拒守

關保等戰不利思齊請詔和解

宋元通鑑

太祖洪武元年夏五月副將軍馮勝克潼關

洪武元年元將李思齊張良弼聞王師下河南即駐兵潼關以拒

既而火焚良弼營思齊仍移軍退守葫蘆灘遣其部將張德欽穆

薛飛守關五月都督同知馮宗異抵潼關思齊奔鳳翔良弼奔郿

城丙寅宗異遂入潼關

紀事本末

郭英以驍騎衛指揮僉事從大將軍

徐達破潼關

名山藏。按明功臣錄馮宗異即馮勝也

大將軍徐達以都督郭興守潼關馮勝取華州

先是宗異下陝州上遣使諭之曰若克潼關勿遽乘勝而西今大

將軍方有事北方宜選將守關以遏其援兵五月庚午徐達調僉



事郭興將慶陽衛指揮于光威武衛指揮金興旺守之

紀事本末

馮勝

拔潼關先登謂大將軍曰謹備三秦門戶也大將軍擇都督郭興

守之乘勝遂取華州

名山藏

秋八月元兵攻潼關守將郭興擊敗之

元右丞王某自河中來攻潼關兵始接指揮于光持稍大呼橫貫

其陣都督僉事郭子興乘勝擊大破之

名山藏○按郭子興即郭興也

二年春正月遣使諭征西諸將

洪武二年春正月庚申上遣使齎諭諸將大將軍達遣使齎諭

都督同知康茂才都督僉事郭子興且告之曰陝州潼關三秦門

戶二將軍扼而守之李思齊張思道如穴中鼠耳可坐而擒之若

其來寇慎勿與爭鋒蓋軍旅多虞勝負難必但厲兵積糧嚴爲守

備俟大軍至日當戮力取之

世法錄



三月大將軍徐達克奉元路

徐達率兵自山西渡河鄜城守將迎降克同州留兵戍之趨鹿臺

時奉元爲都省而平章李思齊據鳳翔張思道與孔興脫列伯據

鹿臺各有重兵以衛奉元而思道等聞達兵至三日遁達遂進渡

涇渭至三陵坡父老千餘人出迎達撫慰之遣左丞周凱入申約

束明日師進奉元其約束如下故都時秦民大悅以奉元爲西安

府

世法錄中  
山王世家

耿炳文嘗以鎮國上將軍從大將軍征陝西元將李

思齊張思道夾武功東川而陣炳文乘隙伺進一日數挑戰身不

解甲蓐食者數月思齊奔鳳翔思道奔涇陽而大將軍因得入陝

炳文從中取割凍蓐供億西入軍

名山藏

達師之至鹿臺也元陝西

行省平章哈麻圖棄奉元走盤屋爲民兵所殺平章歪頭西臺治

書侍御史王武遁去復降斬之西臺御史桑哥失里守關家洞



遣攻之勢促迫不屈與妻子俱投崖死左丞拜泰古逃入終南山  
郎中王可仰藥死檢校阿失不花自縊死三原尹朱春與其妻亦  
俱投崖死

紀事  
本末

徐達等克鳳翔李思齊遁走進狗鳳隴諸州下之

三月常遇春馮宗異帥師發陝西進克鳳翔初李思齊之奔鳳翔  
也上以書諭之曰昔足下在秦中兵衆地險雖有張思道專尚詐  
力孔興等自爲保守橫鄣以兵出沒其間然皆非勁敵足下不能  
圖秦自王已失此機今中原全爲我有向與足下相爲犄角者皆  
披靡竄伏足下孤軍相持徒傷物命終無所益足下誠能以信相  
許翻然來歸當以漢竇融之禮相待否則非朕所知也思齊得書  
有降意其麾下誘之與西入吐蕃思齊惑之至是大兵至鳳翔思  
齊懼遂帥所部奔臨洮秦政傳友德克鳳州以指揮張能守之夏



四月丙寅大將軍達會諸將於鳳翔留御史大夫湯和守營壘輜重令指揮金興旺余思明等守鳳翔遂移師趨隴州克之

明紀事本末

大將軍徐達遣兵克延安

二年夏四月大將軍徐達出蕭關遣指揮朱明克延安以明守之

延綏鎮志

三年夏四月大將軍徐達徇陽汧州下之遣別將克興元

傅友德從大將軍擣定西大保王保保友德領前鋒出秦州奪略

陽關虜其平章蔡琳遂入汧分兵繇鳳翔合攻漢中克之

世法錄大

將軍徐達遣裨將金興旺張龍由鳳翔入連雲棧合兵攻興元元

守將劉思忠知院劉慶祥迎降達留興旺龍鎮守

平夏錄

秋七月僞夏兵寇漢中傅友德救却之

夏吳友仁寇興元興旺擊却之明日友仁復來攻興旺與戰面中



流矢拔矢復戰斬首數百時城中守兵纔三千友仁兵三萬興旺遣使間道走寶鷄取援兵友仁乃圍城決壕填塹急攻興旺嬰城拒守發礮擡石敵兵多死時徐達在西安得報卽帥師還屯益門鎮先令傅友德率兵三千逕趣黑龍江夜襲木槽關攻斗山岩下令軍中人持十炬燃於山上友仁軍見列炬起大驚乘夜遁去夏平

錄

八月偏將軍李文忠大破元兵孔興敗走綏德

洪武二年秋八月偏將軍李文忠與元脫列伯孔興戰於白楊門擒脫列伯遂進兵東勝州孔興走綏德其部將斬之來降紀事本末

元將賀宗哲寇鳳翔

賀宗哲聞王師攻慶陽乃引兵攻鳳翔或隧地或實至甕城凡十五日指揮金興旺周興嬰城固守至是慶陽下宗哲乃由六盤山



遁去

紀事本末

四年大將軍湯和定東勝置屯衛

和攻察罕腦兒獲猛將虎陳定東勝置延安綏德二衛

延綏鎮志

七年偏將軍李文忠及元兵戰於豐州敗之

洪武七年文忠敗元兵於豐州

延綏鎮志

九年春正月命湯和傅友德等巡延安夏四月伯顏帖木兒入寇傅

友德敗之

九年正月命中山侯湯和潁川侯傅友德僉都督藍玉王弼中書

右丞丁玉帥師往延安防邊上諭和等曰自古重於邊防邊安則

中國無事今延安地控西北與胡虜接境虜人聚散無常若邊防

不嚴卽入爲寇待其入寇而後逐之則塞上之民必然受害朕常

勅邊將嚴爲之備復恐久而懈怠爲彼所乘今特命卿等率衆以



往衆至邊上常存戒心雖不見敵常若臨敵則不至有失矣錄

上命中山侯和穎川佐

德往延安防邊至則伯顏帖木兒來乞

降上聞之召和還勅諭

德曰無事而請降兵家所戒爾其慎之

已而伯顏乘間入寇友

大破之因執之以歸明史竊

命都督耿忠帥師屯關中

洪武丙辰春忠欽上命領

兵萬來關中悉建屯戌因駐武功而控

制之

太宗祠碑陰書

耿忠鳳陽人

長興侯從弟也洪武九年春詔統鳳陽

軍萬餘人屯戌關內而居

控於武功號令嚴明士母敢易旋師之

日父老送者以數萬計民

上於今猶稱之曰耿三官人云

康海武功志

十五年冬詔列侯耿炳文等

巡視陝西

洪武十五年冬十二月上

長興侯耿炳文延安侯唐勝宗巡視

陝西城池督軍屯田訓練士

卒陝西二十二衛校卒凡一十萬六



千餘人得驍勇騎士二萬人

習馬二萬二千五百疋

明紀

二十一年冬十月陝西戍兵作

亂討平之

哈密出所部達兵有安置陝

西者中途皆叛都指揮王德追至延

安麻街等處勦平之

明紀

二十四年秋八月皇太子巡撫

陝西

洪武二十四年八月秦王樓

有過召還命皇太子巡撫陝西十一

月皇太子還自陝

名山藏

三十年夏六月陝賊作亂命列任

次郭英等討平之

洪武三十年川陝寇發勢甚熾

擢上命武定侯郭英長興侯耿炳

文討之兵至漢中之後河擒賊

首高佛興及其黨四千餘人英等

疏其同謀者請誅之脇從者勿

治上可之

明紀

宗景泰元年春正月勅延綏總

兵仍鎮守原驛寨堡



景泰元年正月鎮守陝西徐

擅棄原守寨堡移入腹裡綏二州延慶二府守備其地陝隘不

堪屯牧恐胡寇占據所棄寨堡以為巢穴宜令本官速回原舊寨

堡果有星散小寨宜并入大城協力固守仍乞削禎今陞都督同

知職事戴罪揀備事下兵部移文右都御史王文等勘實具奏亨

所言有理禎偏執不從遂禎候春煖河開將移入腹裡軍民撫

恤前往原寨堡守備已陞事不動若再偏執誤事不宥

英宗天順二年春二月亨來高家堡延綏守將楊信擊敗之

天順二年二月達賊七千騎犯高家堡延綏總兵官楊信率兵

擊敗之擒賊五人斬首七十二級獲駝馬器械無算遣人獻俘馘

至京師世法錄

冬十月亨來寇神木守將欽戰敗之



天順二年冬孛來寇神

縣延綏守將都督僉事張欽禦於柴溝

斬獲甚衆

續文獻通考

十一

孛來毛里孩寇延綏總兵官張欽敗之

孛來寇神木縣欽出擊

取之於柴溝

延綏鎮志

五年冬阿羅出寇延綏

天順五年冬阿羅出渡

河入套寇延綏

延綏鎮志

國初虜遁河外居漠

北延綏無事正統以後

浸失其險虜始渡河犯邊景泰初虜犯延

慶不敢深入天順初

羅出掠我邊人以爲鄉導遂知河套所在

不時出沒遂爲邊境

之害

世法錄

六年春正月毛里孩等

入河套

天順六年正月虜入

河套是時孛來稍衰其大酋毛里孩阿羅出

少師猛可與孛來相

仇殺而立脫思爲可汗脫思故小王子從兄

也於是毛里孩阿羅

出孛羅忽三酋始入河套爭水艸不相下以



故不深入為寇時遣人貢馬然亦通朶顏諸戎時竊邊郡世法錄

冬十一月套酋寇延寧

六年十一月阿羅出毛里孩寇延寧

延綏鎮志

憲宗成化元年夏鄖西賊寇漢中

鄖西流民劉千斤倡亂以其黨石和尚為謀主劉長子苗鳳苗虎等為羽翼眾至數萬人遂僭號改元為署置諸將帥襄鄧漢中之境屠掠出沒民無寧居諸守臣不能禦世法錄

秋九月套虜寇延綏鎮巡兵擊敗之

成化乙酉秋虜寇延綏時巡撫都御史項忠寧遠伯任璠巡撫延綏都御史盧祥合兵禦之虜敗去續文獻通考成化元年十月毛里孩

寇陝西都御史項忠及彰武伯楊信禦之虜遁

世法錄

二年夏四月勅延綏守臣整飭邊防



成化二年四月大學士李賢等奏河套與延綏接境虜酋毛里孩人馬居虜其中出沒不常今欲安邊必須大舉而後可乞令兵部會官博議預積糧草於陝西塞下及令陝西延綏等處守臣選練騎步精兵整擄器械什物及預造戰車拒馬之類期以明春或今秋進兵搜勦務在盡絕其總制官將與凡出兵事宜俱預請處畫又秋禾方熟虜騎必復入抄而延綏鄜慶環縣一帶須用兵駐劄以保居民亦宜推選武將一人統步騎精兵萬人往守諸處上以爲然於是兵部尚書王復及會昌侯孫繼宗等集議今鎮守大同總兵官彰武伯楊信舊鎮延綏稔知地利宜召還京面受成算其陝西延綏鎮巡諸官亦宜勅令整飭兵備候至期調發四月鎮守延綏都指揮同知房能奏虜酋毛里孩尚擁衆屯聚河套近邊烽火不絕而我增調戍兵屬延綏慶陽三衛者俱無甲冑馬匹屬陝



西河南者多不能戰乞令陝西鎮守巡撫等官措置又於近邊州縣要害之處增兵把守使賊勢分散進退無利而我兵併力勦殺以圖成功下兵部議從之仍行都督僉事趙英往來遊擊遇警會兵勦殺

世法錄

五月套酋入寇六月命彰武伯楊信帥師討之

成化二年六月制諭彰武伯楊信佩平虜將軍印充總兵官統京營兵往延綏討虜寇先是延慶守臣奏報五月初十日虜衆可二萬分爲五路長十餘里入境內兵部尚書王復等因請勅馳諭陝西延綏寧夏鎮守巡撫等官併力飭兵防禦仍請會推武職重臣調京軍往勦之有旨虜已入延綏境調兵往勦恐綏不及事可再議以聞復等又請勅都督同知趙勝克副總兵統京操騎步精兵萬人期以七月往勦又得旨令俟信至詳處之至是信至復乃與



會昌侯孫繼宗大學士李賢等集議以爲虜犯延綏實欲俟今秋大舉以掃夷氛以安邊境第彼地糧草不給未可輕動今宜量遣信等將兵討之上以爲然遂勅信克總兵官將京營兵萬人馬萬二千五百匹神礮百神鎗千大同騎步兵五千宣府騎兵三千寧夏騎兵二千往延綏境上會鎮守總兵等官飭兵勦寇又勅勝克副總兵都督僉事湛清克叅將都指揮同知秦傑守備柴溝堡署都指揮僉事許寧克遊擊將軍俱赴延綏若賊勢衆大則寧夏陝西等處附近人馬悉聽信調發節制併力防禦

世法錄

三年秋七月套酋寇榆林

成化三年七月阿羅出入榆林塞孤山守將湯引續方戰死之

延綏

鎮志

湯引續成化初克叅將守禦延綏孤山堡三年套人入寇大掠

子女而東績率麾下百餘人邀於境上力戰衆寡不敵死之

鎮志本傳



四年春二月滿魯都入河套

成化四年二月巳加思蘭殺阿羅出併其衆而結元孽滿魯都入

河套

世法錄

秋七月命馬文升巡撫陝西翦流寇

時流賊蜂起漢中李鬍子潼關火蝎兒蒲城王彪各聚衆刼掠鋒

甚銳文升悉以計剪除之

紀事本末

冬十二月套酋寇榆林

成化四年十二月巳加思蘭寇榆林

延綏鎮志

五年秋九月套酋寇延寧

成化五年孛羅忽巳加思蘭寇延寧

延綏鎮志

六年秋七月套酋寇延綏

成化六年七月阿羅出入榆林塞以撫寧侯朱永爲大將軍禦之



延綏  
鎮志

命王越總關中軍務屯榆林

李羅忽等據河套邊人大擾乃勅都御史王越總關中軍務議搜河套復東勝越等奏言河套水草甘肥易於駐劄腹裏之地道路曠遠難於守禦李羅忽卽加思蘭等糾率醜類居套分掠出入數年雖嘗阻於我師然未經挫衄終不肯退近日據我河曲擾我延綏乞命廷臣共議得一爵位崇重威望素著者統制諸軍往圖大舉朝廷從其議紀事本末成化六年命越以總督視師越令諸將分軍各守營堡自與太監恭太監怛統軍萬二千有奇軍於榆林別分東西二路夾之繼與西路左都督劉玉東路右都督劉聚擊敗虜於墩索尖蓋先是文臣視師者從大軍後出號令行賞罰而已至越始多選驍勇跳盪武騎將而與虜戰探虜所聚或其零騎伺怠



邀殺之用是多成功

名山藏  
王越傳

七年春命彰武伯楊信帥師巡邊

時北虜潛伏黃河套中歲爲邊患輔臣請興十萬之師以楊信爲總制搜捕之兵部尚書程信言河套地曠遠無水草興師十萬則餽運者加倍自古禦戎來者拒之去者勿追此不易之法也旣而楊信亦止請三萬人巡邊禦敵朝廷因與信二萬人令巡邊而罷搜套之議

累朝  
策要

冬十一月命侍郎葉盛巡視延綏

虜出入河套爲患成化乙酉冬上命吏部侍郎葉盛往延綏議河套事盛往度方畧回奏謂河套沙深水淺難以住牧春遲霜早不可耕種搜河套復東勝皆時勢所難惟增兵守險可爲遠圖且剷削邊牆增築城堡收新軍以實邊選土兵以助守不但可責近效



而亦足爲長便制曰可

續文獻  
通考

八年夏五月命將軍趙輔統制諸路軍馬赴延綏

成化八年五月命武靖侯趙輔佩平虜將軍印克總兵官統制諸路軍馬與總督右都御史王越赴延綏等處擊虜時吏部右侍郎葉盛行邊旣還總督右都御史王越亦赴京議事兵部尚書白圭請命文武大臣與盛等面議攻守事宜乃會昌侯孫繼宗吏部尚書姚夔等議謂虜酋乜加思蘭等久居河套頻年寇邊若不痛加勦殄終無寧日先後所調諸軍已逾八萬各路總兵事無統一兵雖多而成功少宜遣一大將佩印受勅與越赴延綏等處調度仍勅都御史馬文升督陝西兵余子俊督延綏兵徐廷章督寧夏兵及各邊總兵叅將遊擊將軍等官悉聽大將節制則事權歸一上

以命輔

世法



冬十月套人寇延綏

八年十月延綏遊擊將軍祝雄奏虜入延綏鎮靖堡殺千戶黃琮  
執夜不收以去事下兵部言比者趙輔王越累稱虜衆遠遁亟欲  
旋師今境內官軍潛被殺掠必能覘我虛實大逞入寇之謀宜令  
輔等率兵追勦毋徒坐視以貽邊患從之

世法錄

九年冬十月王越擊套酋於紅鹽池破之

成化九年十月叅贊軍務左都御史王越襲破虜營於紅鹽池以  
捷奏云九月十三日滿都魯孛羅忽兒加思蘭三酋自河套出分  
寇西路臣已遣兵往追道遠兵疲必難取勝宜率輕兵搗其巢穴  
仍與總兵官許寧遊擊將軍周玉各率兵四千六百從榆林紅山  
兜出境晝夜兼行百八十里夕營於白鹹灘北又行一百五十里  
探知虜賊老弱俱在紅鹽池連營五十餘里乃取弱馬分布陣後



以張形勢選精騎令許寧爲左哨周玉爲右哨又分兵千餘伏於他所進距虜營二十餘里虜集衆來拒臣督諸將方戰伏兵忽從後呼噪進擊虜見腹背受敵遂驚潰擒斬三百五十五獲其駝馬牛羊器械不可勝計燒其廬帳而還上賜勅獎諭之

世法錄

二十年春遣使祠陝西嶽瀆

陝西旱遣禮部侍郎兼學士徐溥代祀岳鎮河瀆諸神

明紀

孝宗弘治元年冬勅延綏巡鎮防邊

弘治改元左都御史馬文昇上疏云本年十二月十七日巡撫延綏都御史黃紱差舍人房正奏事稱說虜賊俱在河套近邊墻居住日逐射獵通事回話答說並不作賊搶掠到明春要來進貢臣切惟胡虜爲患自古而然勢盛則搶掠勢衰則北遁近年以來東則在於大同宣府西則在於延綏寧夏再西則在於甘涼趨逐水



草時或出沒陝西之患何時得已乞勅延綏鎮守總兵巡撫等官  
一面用心操練軍馬嚴加防禦一面令通事與彼荅話既要進貢  
早爲出套還從大同赴京朝廷自有重賞若又以榆林進貢爲詞  
緩我之兵必大張兵勢必別有奇謀務要逐彼出套不可容彼久  
住貽患地方下兵部覆議從之

續文獻  
通考

三年夏六月選延綏兵援大同

弘治三年六月新寧伯譚祐調選延綏遊兵策應大同

延綏  
鎮志

八年北部入河套

弘治八年北部復擁衆入河套住牧

世法  
錄

十二年冬套酋寇榆林

弘治十二年十月火篩入榆林塞

延綏  
鎮志

十三年秋七月套酋寇榆林命保國公朱暉討之



是年七月火篩入榆林平江伯陳銳無功保國公朱暉代之

延綏鎮志

八月朱暉等擊套酋破之

弘治十三年八月征虜大將軍總兵保國公朱暉提督軍務都御史史琳及監督太監苗達帥五路之師從紅城子墩出塞乘夜擣虜巢於河套虜已先覺徙家北遁軍還斬首三級得所授故勅三道駱駝五馬四百二十六牛六十羊千八十器械二千五百有奇事聞命賜勅獎勵賞賚奏事人鈔各一千貫是年冬十二月火篩

入河套

世法錄

十四年春正月套酋寇榆林二月朱暉等討破之

弘治十四年正月火篩擁衆入榆林塞二月保國公朱暉提督軍務右都御史史琳出禦之暉等至邊覘虜酋所在潛師河套擣其巢穴會夜大霧虜聞礮驚遁毀其廬帳斬老弱百餘級而還

明弘



治辛酉兵部尚書馬文升以地震因言陝西西隣番虜而延慶二府又與河套密邇卽今小王子部落日衆精兵數萬觀其所存其志非小未幾命朱暉總兵史琳督軍赴榆林禦虜暉等覘虜酋所在潛師襲破之頃之其酋火篩者復侵擾劇甚邊堡失事鎮城晝閉又擢大理寺陳壽巡撫延綏壽至先恤陣亡官軍隨易諸路將領兩旬間與虜三勝虜知有備遂渡河北遁

續文獻通考

十六年套酋寇榆林

弘治十六年套酋入榆林塞千戶湯璽力戰死之

延綏鎮志

十七年火篩入套將軍張安遣兵敗之

弘治十七年火篩入套總兵官張安遣把總藍海等追及於黃河

岸勝之

延綏鎮志

武宗正德四年蜀賊寇漢中



正德四年蒼溪賊鄢本恕營山賊藍廷瑞及其黨方四馬六兒廖  
麻子糾諸饑寒謀聚爲搗未及暮年衆盈十萬髡首漆足文身朱  
額緣越山谿入漢中屠戮畧陽西鄉沔利城亦不守殺守令燔屋  
廬劫婦女杜道路朝廷屢發師旅征討而賊皆驅所掠之饑民委  
之殺人盈野費財空帑不能救藥

呂柟涇  
野集

六年六月官兵平漢中

五年廷議謂關陝天下險要之首而搗醜實諸賊之初起卽墨藍  
公以陝西僉憲爲都察院右僉都御史巡撫陝西會總制卿洪公  
及荆蜀巡撫諸公戮力同心四伐搗醜自帥師以來竭忠貞簡恤  
將士用其膽智以遏亂畧六年六月擒其渠魁三十人於金寶寺  
解厥支蔓百千其衆上令典刑諸魁梟首湖廣於是諸賊膽懾漢  
中乃又進右副都御史仍撫陝西比公退長安餘孽曹甫續叛江



津漢人雲擾公再領師入漢威德昭臨南懼奔蜀黨與大解所降

男女萬有二千築京觀於金寶刹而歸

呂柟涇野集

七年冬十一月雒川賊寇澄城指揮張潛等死之

正德七年十一月雒川妖賊邵進祿等入犯由黃龍山據白水衝

寨四掠潼關衛指揮張潛關健百戶王珍與戰死之兵備使者張

禴率衆擊走之

澄城縣志

十年秋八月俺荅寇米脂綏德

正德十年八月俺荅自榆林直犯米脂綏德無定河大川至黃河

西岸大殺掠十一年二月又入榆林塞

延綏鎮志

十三年冬十月帝如榆林

正德十三年冬十月上自偏頭渡河幸榆林十一月上在榆林十

二月上在榆林十四年春正月上在榆林二月初旬上自榆林還



京師

續文獻通考

武宗西巡命鄭暘督餉於邊值葭州盜起猖獗暘督

官兵討平之

延綏鎮志

世宗嘉靖元年套虜寇邠隴諸州

北虜在套恣肆嘉靖元年復大舉直犯西安之邠州鳳翔之隴州

殺掠之慘比前倍之

續文獻通考

四年秋乾州人樊伸作亂官兵擒獲之

伸多貲而樂誕方士誕妄者皆集於其門附會伸意行諛於伸云

伸當大貴於是傳播遠近舉翕然從伸而伸遂自居不疑日召無

賴男子習戰修武來者雲集又令妖人以照水法惑之洎三年陰

相結聚者十數萬人是年秋集黨寇乾州州人力禦之日晡逃去

走南山結銀兵復謀北寇郡縣震動武功姜令下令曰伸輩皆膏

梁子徒以妖師扇惑至是其黨固烏合也即果南奔礦場必假前



於此立節渭水橋頭凡濱水諸村落宜據舟密候其至共力與擊賊可悉擒明日昧爽賊果至諸村落人執挺拒賊賊悉從涉渡逃去獲馬及器物村落以馬來令卽以馬賞曰能得賊賞更不直此日中有執賊至者得伸所給號帖已署有僞官乃立磔於市而厚賞獲者凡涇咸興醴愚民爲賊惑者舉不敢南渡應賊賊苦鐵爐菴五六日候應不至始決意趨礦場又二日賊首悉爲于敖輩所擒無一遁者賊黨悉平

康海姜武功平賊序

八年冬十月吉囊俺荅寇榆林

嘉靖八年十月吉囊俺荅寇榆林塞總督王瓊率兵禦却之初小王子有三子長阿爾倫次阿著次滿官嗔阿爾倫死阿著稱小王子未幾死衆立阿爾倫子卜赤而阿著子二曰吉囊曰俺荅強甚吉囊分地河套當關中地肥饒時入寇瓊乃請修沿邊垣墉起蘭



洮盡榆林三千餘里

紀事本末

十一年春二月吉囊寇榆林總督唐龍禦却之

嘉靖十一年二月內虜酋吉囊等擁衆十萬侵犯榆林臣卽提兵

往勦將主客兵分布要害且戰且守虜屢遭挫衄計不能入乃突

出五萬由野馬川渡河徑入西海襲破虜營收其部落大半歸於

套內

唐龍申嚴邊防以弭虜患疏

先是北虜自延綏求通貢市事下兵部議兵

部言小王子通貢雖有成化弘治年間事例但其情多詐難以輕

信宜命總制鎮巡官察其情僞無何虜以不得請爲憾遂擁衆十

餘萬入寇五月吏部尚書王瓊上言臣前議榆林之虜直以精兵

扼之綏德險陜調固原援兵三千足矣而當事過計乃至調京營

宣大寧固兵一萬八千赴之供億浩繁日費至六千金內地坐困

今虜已退臣等回京軍散遣各路所調及召募兵專責本鎮兵據



險防守世法錄

十三年秋吉囊寇榆林

嘉靖十三年七月吉囊入榆林塞八月又入榆林塞遊擊梁震敗

之於定邊

延綏鎮志

十四年夏六月吉囊寇榆林

嘉靖十四年六月吉囊入榆林塞掠內郡叅將魏祥死之八月又

入榆林塞守將梁震擊敗之

延綏鎮志

十五年秋套酋寇延綏官軍擊敗之

嘉靖十五年秋虜入延綏黑河墩蒺藜川等處官兵四戰皆敗之

斬首百餘級

世法錄

十八年冬十二月套酋寇榆林

嘉靖十八年十二月套酋入榆林塞殺守將宋隆

延綏鎮志



十九年春三月套酋寇榆林總兵周尚文擊敗之

十九年三月套酋入榆林塞破清平堡入米脂總兵官周尚文駐

兵狄青原邀擊之以捷聞

延綏鎮志

秋八月吉囊寇安邊總督劉天和大破之

嘉靖庚子秋虜數萬入安邊定邊陝西總制尚書劉天和率精兵

九千斬虜首五百卒張奴兒殺吉囊之子虜諸酋大哭遁去

續文獻通

考

嘉靖十九年虜酋吉囊擁數萬由延綏西路定邊營入寇時諸

鎮兵悉分布守邊虜乘虛四掠殺戮甚慘會大雨浹旬道泞虜騎

不得騁弓矢盡膠陝西總兵趙時督兵分道邀之虜始引旋至黑

水苑延綏革任總兵周尚文盡銳攻之自已至申凡三戰勝負未

決吉囊子號小十王者驍果而輕率其勁卒三十餘人馳衝營中

堅爲我軍所殲虜衆遂奪氣歛去寧夏總兵任傑副總兵陶希



復選銳於鐵柱泉迎擊之追奔出塞斬獲甚衆是役也虜以八月  
二十一日入境九月十二日始去初至甚銳諸將莫敢撓其鋒者  
虜乃深入內地縱橫虜掠既而旋虜欲且饜顧惜輜重兼易我  
軍甚無戰志總督尚書劉天和聞以修省詔旨嚴切而諸將畏縮慮  
重得罪乃斬不用命指揮使牛旺郭卿二人時周尚文已革任特  
檄召之激以忠義尚文感奮遂領黑水苑之戰軍氣乃振而三鎮  
斬獲至四百四十餘級虜所擄者亦復失亡過半於是天和以捷  
聞上大嘉之曰虜歷歲寇邊猖獗滋熾天和等調度士馬悉力驅  
勦斬將擒王此捷前所未有總督巡撫鎮守等官俱賜勅獎勵世法

錄

二十二年秋八月套酋寇延綏守將張鵬等擊破之

嘉靖二十二年虜二萬騎犯延綏遊擊張鵬力戰禦之虜引去總



兵官吳瑛副總兵傅存禮尾之在外東路叅將周尚文兵亦至因夾擊斬百餘級而還巡撫都御史張聰等以捷聞時巡按陝西御史殷學報虜因言賊入內地且五百里而諸將擁兵不聞一戰請罷聰瑛等疏方入而捷至上嘉守臣功謂學謬於是非世法錄

二十四年秋七月套虜入寇總督張珩調諸將兵禦之吳瑛張鵬等兵失律虜大掠而還

嘉靖乙巳七月虜兵二萬餘騎結營邊外謀入寇覘者以報榆林總兵吳瑛瑛卽以報總督張珩明日瑛與副總兵李琦併將兵出榆林時總督以防秋住花馬池聞卽發所部將在花馬池者四將軍軍往擊之瑛故狡智多算度虜入必自寧塞營寧塞則遊擊將軍張鵬分地伏寇彼自當我卽往必與虜先鋒遇接戰乃與琦故回遠出逶迤邐延不與賊兵值虜果由寧塞營穿牆擁入張鵬不



能禦匿避之初虜入寧塞以爲旁有伏軍顧慮不敢前及至新城池四望不見一人遂揚揚南馳無復忌畏而李琦自清平堡與吳瑛分行至靖邊營忽值虜虜圍琦急琦度不免殊死戰延綏遊擊將軍龍登固原遊擊將軍葛宇咸以總督遣適至而分守延綏西路叅將楊銳亦領兵來與兩軍會咸奔救琦虜見兵集多度不勝解去琦得免琦面中賊矢一所殺虜亦數人瑛鵬軍不知所往陝西總兵王縉寧夏總兵李義與登宇軍同遣以爲賊犯所自有當乃故逗遛後登宇期登宇以二人同遣不至與楊銳等各頓兵不擊賊但依險自保而已於是賊益狂馳趣利直抵園林驛岔洛川諸處縱兵肆掠踰保安犯安塞未至延安僅百里耳極意恣暴盤留十餘日而去至八月七日復自寧塞營穿牆故道出亦不見我軍一人虜出邊有司籍虜掠男女四千四百五十有四馬羸牛羊



十四萬五千二十有四殺傷男女一百七十有四其蹂躪田稼燔燬室廬刼取衣物不可數計諸將懼罪乃相約僞爲虜首各爲書僞稱戰得虜首若干級謀定咸奏報總督隔遠不爲察而撫臣雷同不肯發奸巡按御史曹邦輔行部聞之上書劾諸將請法之書至天子使給事中鮑公往視之鮑公還報詔下吏治七將軍論如法總督撫臣亦皆不宥惟李琦以與賊戰少有功獲賞焉

王維禎核邊記

二十五年秋八月套酋犯延安掠內地

嘉靖二十五年八月套虜三萬餘人入寇越延安府至於三原涇陽殺掠人畜無算事聞上下旨曰今年失事頗輕不必查核總督三邊侍郎曾銑請復河套條爲八議一曰定廟謨二曰立綱紀三曰審機宜四曰選將材五曰任賢能六曰足芻餉七曰明賞罰八曰修長技計萬餘言指據明悉下兵部議行嘉靖二十五年虜十



萬騎以七月二十五日自寧塞營入犯延安保安諸處殺掠男婦諸軍禦之不能却總督侍郎曾銑遣叅將李珍夜出塞劫其營斬虜百十一級生擒虜一人虜聞始遁去

世法錄

二十六年夏五月總督曾銑出塞襲套部勝之

三月中套虜以草青邊近塞住牧零騎往來侵掠居民不敢樵採總督侍郎曾銑方鳩兵繕塞慮爲所擾乃蒐選銳卒督之出戰凡斬首二十七級生擒一人脫脫虎餘斃於矢石者甚衆獲馬牛駝及夷器以千計虜移帳漸北間以輕騎入掠銑復督諸軍驅之虜遂遠徙不復近塞

世法錄

三十三年春三月套酋寇高家堡

嘉靖三十三年三月套部犯高家堡副總兵李梅死之

延綏鎮志

三十四年冬十月吉能寇葭州府谷



嘉靖三十四年十月吉能犯建安柳樹會葭州至府谷叅將楊璘

死之

延綏鎮志○按紀事本末吉能吉囊子也

三十六年春三月都藥兒寇榆林

嘉靖三十六年三月都藥兒犯榆林副總兵陳鳳往擊死之

延綏鎮志

四十年夏四月套酋寇鎮靖堡十一月又犯榆林

嘉靖四十年四月套人犯鎮靖堡殺掠二千餘人去十一月套人

犯榆林南下攻背干川大牆至米脂守備謝世勲戰死

延綏鎮志

四十二年秋七月套酋陷黃甫川

嘉靖四十二年七月套酋陷黃甫川堡把總高秉鈞死之

延綏鎮志是

年七月虜襲陷黃甫川堡殺二百八十餘人倉官一人

世法錄

四十四年春正月套酋寇邊總兵趙奇擊敗之

嘉靖四十四年正月套酋入塞總督郭虔巡撫胡志夔會議令總



兵趙奇帥兵出榆林邊外至黑灘畔頁河兒克之

通志

夏四月虜陷黃甫川堡秋九月陷鎮靖堡

嘉靖四十四年四月虜陷黃甫川堡殺二百八十餘人倉官一八

九月犯鎮靖堡叅將魯聰戰死亡將士二百餘人

世法錄

四十五年秋七月套酋寇延安總兵郭江死之

嘉靖四十五年六月虜陷筆架城擄掠甚衆官軍逐之去七月薄

安塞縣城分騎掠延安府北關及東西兩川八月入甜水等堡殺

三十六人總兵郭江等戰死亡兵六百餘人

世法錄

穆宗隆慶元年春套酋入寇守將王鐸戰死

隆慶元年正月虜寇小片河墩半入總兵郭琥與戰却之追出邊

遇伏失亡相當二月攻清平堡遊擊郭鈞等固守不下虜乃引去

三月虜攻康家寨守備王鐸等逐之有斬獲功鐸中矢死又入榆



科澗遊擊高天吉等敗之又入常樂堡又敗之前後奏報俱下御史勘覈至是御史楊鈐上其事劾鎮撫薛鞬指揮陳保通判王尚賢叅將李希靖千戶田養賢等各失事罪狀及他功罪相贖者并叙原任總督霍冀巡撫王遴總兵趙岢副使楊錦等修築邊牆功兵部覆奏上命賞冀等銀帑有差遴遇缺推用鞬保謫戍尚賢爲民希靖革任養賢等俱下御史問

世法錄

四年詔陝西邊缺簡能員除授

隆慶四年大學士高拱請自今各邊有司必擇年力精強才氣超邁者除補陝西則安塞安定保安清澗綏德米脂葭州吳堡神木府谷等州縣從之

續文獻通考

神宗萬曆四十三年秋吉能入寇

萬曆乙卯閏八月吉能等挾計王封金印等十大事不許大舉入



犯大柏油孤山中軍劉聚等死之是年十二月沙計互成等謀犯  
雙山總兵官秉忠出塞擊破之

延綏鎮志

四十四年秋七月沙計寇高家堡

萬曆四十四年七月沙計入寇高家堡都司僉書王國安死之

延綏志

熹宗天啟二年秋九月套酋寇延鄜

天啟二年九月套人寇延安至鄜州越四日乃去

延綏鎮志

愍帝崇禎元年春正月置降丁于延綏

崇禎戊辰春命安置降丁于延綏等處初兵部請置之山海關二

屯營不許

明史畧

冬十一月陝西盜起

是歲延安饑府谷民王嘉引作亂延安人張獻忠從之獻忠陰謀



多智賊中號八大王其部最強旁掠延安諸郡邑

紀事本末

崇禎戊辰

府谷民王嘉引倡亂又有不沾泥楊六郎白水盜王二等掠蒲州

韓城劫宜君獄北合嘉引五六千人

二申野錄

漢南賊四百餘人自汧

陽兩當薄畧陽引土賊三千餘人入畧偏漢中等處白水賊合山

西逃兵掠蒲城韓城之孝童溜川鎮時承平久猝被兵人無固志

陝西巡撫胡廷宴惡聞盜警杖報者曰此饑民也掠至明春後自

定耳後各縣不以聞盜偵知之益恣

明史畧

崇禎元年延安大饑其

十一月王嘉引起府谷王二起白水相聚於黃龍山爲盜不沾泥

一座城五虎黑煞神等起洛川王和尚混天王起延川苗美左掛

子起綏德苗登驚起安定各有衆三四千漢南盜又大起畧陽清

水涇陽富平耀州之間囂然矣

延綏鎮志

十二月米脂人李自成起爲盜



延安饑不沾泥楊六郎王嘉引等掠富家粟有司捕之急遂揭竿  
爲盜自成性狡黠善走能騎射家貧爲驛書往投焉已而叅政洪  
承疇擊賊破之不沾泥等相次俘獲自成走匿山澤間得免紀事本末  
○按延綏鎮志紀李自成於崇禎四年始起爲盜與此互異

二年春正月陝西延綏撫臣奏流賊恣肆二月以劉廣生巡撫陝西  
楊鶴總督三邊軍務

崇禎己巳春正月洛川淳化三水畧陽韓城宜君中部石泉宜川

綏德葭耀潼關陽平關金鎖關流賊恣掠固原逃兵掠涇陽富平

執遊擊李英

二申野錄

陝西巡撫胡廷宴延綏巡撫岳和聲各奏流賊

恣掠刑科給事中上言賊之熾也由喬應甲撫秦置盜却不問實

釀其禍今弭盜之方在整飭吏治有先事隄防之法有臨事剪滅

之法有後事懲戒之法上是之

紀事本末

二月以陝西左布政劉廣生



爲秦撫右副都御史楊鶴總督三邊官軍勦漢南賊平張獻忠據

米脂十八寨乞降

二申野錄

副使劉應遇擊賊於漢中破走之

二月丙午商洛道劉應遇率毛兵入漢中合四川吳國輔兵敗賊

賊走漢陰遇遣兵追之誅渠魁數十人餘走蜀漢南悉平

明史畧

夏四月叅政洪承疇擊賊於耀州破之

崇禎己巳三月流盜掠三水四月固原賊犯耀州叅政洪承疇合

官兵鄉勇萬餘人圍賊於雲陽幾覆之賊乘夜雷雨潰圍走淳化

入神道嶺

紀事本末

流賊犯涇陽套酋寇延綏

四月流盜犯涇陽甘峪遊擊商從龍被殺時西人五十騎犯延綏

高家堡千總王權德逐之出塞敵兵漸至權德敗沒中軍任秉德



千總白慎俱死之

明史

冬十月李自成稱闖將

山西兵潰叛走秦晉間山谷李自成出與之合旬日間衆至萬餘

推高迎祥爲首稱闖王賊中稱自成爲闖將

紀事本末○按自成時依高迎祥迎祥方

自號闖王與劉良佐自結爲一隊故闖將名不大著

十一月詔陝西巡撫劉廣生勦賊

十一月丁未上命馳諭陝西巡撫劉廣生令急殲流孽不必入衛

時大盜混天王等掠延川米脂清澗諸縣復召前總兵杜文煥使

勦之

明史

三年春正月綏德安定盜起官兵擊敗之

三年春正月陝西邊盜王子順苗羹連逃兵衆至三四千掠綏德

南園韓城總督楊鶴巡撫劉廣生擊敗之賊遁復犯清澗官兵追



逃賊走四川先是萬曆時朝廷命西軍勞苦預給三月糧以爲常至是秦旱粟騰貴軍餉告匱往往譁潰亡命山谷遂倡饑民爲亂時廷議核兵餉各邊鎮咸釐汰至數十萬兵多譟給事劉懋請裁定驛站可歲省金錢數十餘萬上從之給事許國榮御史姜思睿爭之不能得河北遊民向籍食驛糴用是益無賴歲不登無所得食所在潰兵燬之而全陝無寧土矣

明紀  
會纂

夏六月王嘉引據府谷官兵擊敗之

崇禎三年四月王嘉引陷府谷六月陷黃甫川清水二營遂據府谷洪承疇總兵杜文煥圍之賊夜劫營官兵擊敗之

紀事  
本末

綏德賊王子順降

六月延安府知府張輦都司艾穆破賊王子順於延川招降之

延綏

鎮時王嘉引等寇掠延慶諸郡城堡多陷總督楊鶴主撫不以聞

志



與陝撫盜廣生遣官持牌四出招賊賊魁黃虎小紅娘一丈青龍  
江水掠地虎郝小泉等俱給牒免死安置延綏河西但不焚殺其  
淫掠如故民罹毒益甚兵科給事中劉懋上言秦之流賊非流自  
他省卽延慶之兵丁土賊也邊盜倚土寇爲嚮導土寇倚邊盜爲  
羽翼六七年來韓蒲被掠其數不多至近年荒旱頻仍愚民影附  
流劫涇原富耀之間賊勢始大當事以不練之兵勦之不克又議  
撫之其勦也所斬獲皆饑民也而真賊飽掠以去矣其撫也非不  
稱降聚衆無食仍出劫掠名降而實非降也且今斗粟金三錢營  
卒乏食三十餘月卽慈母不能保其子彼官且奈兵民何哉邇來  
貪酷成風民有三金不能供納賊之一金至捕一盜而破十數家  
完一贖而傾人百金產奈何民不驅爲盜乎若營兵曠伍半役於  
司道半折於武弁所餘老弱旣不堪戰又不練習當責督撫清汰



陽西司三  
操練以備實用

紀事  
本末

秋九月套酋寇邊巡鎮兵逆戰破之

崇禎庚午九月己卯黃甫川賊復勾套入掠巡撫洪承疇總兵

杜文煥從孤山進擊大破之賊始奔潰

明史  
署

冬十月王嘉引復陷府谷

崇禎庚午十月王嘉引陷清水營殺遊擊李顯宗遂破府谷

延綏  
鎮志

十二月神一元陷寧塞據之

崇禎庚午十二月神一元破寧塞據之殺叅將陳三槐圍靖邊副

使李右梓固守賊勾西人四千騎益圍靖邊三日夜遂陷柳樹澗

保安等城

紀事  
本末

四年春正月神一元陷保安副總兵張應昌擊敗之

崇禎辛未神一元陷保安張應昌擊之一元死弟一魁領其衆



月總兵賀虎臣杜文煥合軍圍保安一魁突圍遁

延綏鎮志

遣使往陝西招撫流盜

崇禎辛未正月命御史吳甡齎金賑陝西饑荒招撫流盜

明鑑易知錄

臣蒙簡命賑資延綏叱馭而西臣訪得流賊猖獗情形敢爲皇上陳之延鎮四面黃沙無可耕之地崙倚兩運爲續命之膏自改本色爲折色而庾廩空矣自改輸粟而納銀增浮課而引滯而鹽政廢矣自鹽商歸籍田地荒蕪豪弁肆虐而屯政廢矣自叅罰之會嚴凡馬匹倒損諸弁率隱匿不報而馬政廢矣加以幾番調援精銳俱盡凶年相繼月餉不敷此饑軍爲盜之根因也延慶一帶荒涼瘠薄仍復加派遼餉明經有司日暮途窮巧營歸橐百姓入城封糧則監追其積逋逃亡拖累全無樂生之氣因之饑饉富者皆貧貧者皆賊邊軍糾集遂相附合此饑民爲盜之根因也又有邊



地軍餘及廢弁家丁生來勁悍弓馬精熟既無月餉又譚耕耘惟  
有做賊一路視爲固然當其躍馬而出肆行剽掠歸來得有多財  
則分送親識卽將官之左右無不相通黨與日衆敢爲叛亂此軍  
餘爲盜之根因也賊之初發勢亦甚微地方官視爲泛常全無備  
禦總一缺乏錢糧悞事到底且調來邊兵皆與賊相識臨陣有相  
對立談而不戰者有將老弱饑民割級送與獻功者有將輜重遺  
棄聽其搶掠者上下轉相蒙蔽趕出境外便報蕩平此盜賊猖獗  
之根因也夫秦晉爲京師右臂况秦百二河山延鎮勁兵甲於宇  
內今賊聚衆數萬東延西蔓屠毒兩省此豈可易視之耶卽延鎮  
應得之餉計臣寧悞封疆而必不肯慨發數十萬以濟燃眉秦事  
真不可爲矣則無如就近允支陝西遼餉尤急著也臣遵奉諭旨  
次第給賑已檄司道轉行州縣查取見在饑民及已被脇從悞投



賊黨願歸正維新者一體收恤於賑賚之中寓解散之意廟謨宸  
斷已得要領少俟頒布德音卽當冒險而前躬歷郡縣親自給散  
不敢不竭盡心力至攻城陷堡之叛賊如王嘉引神一元之類在  
督撫鎮將同心合力聲罪致討未可奉若驕子懈將士之心貽異  
日封疆之禍如欲臣以哺饑之具爲盜齎糧臣所不敢出也總之  
激厲將士全在足餉餉足而後可以申嚴賞罰賞罰明而後人心  
鼓舞用命失軍機陷城池之罰凜然議其後而文武俱束於法則  
大賊可平而小賊不足撫也

吳姓星馳  
入關疏

二月官軍圍賊神一魁於保安賊突圍走

二月壬子總兵賀虎臣杜文煥合軍圍保安神一魁勾西人千餘

騎突圍出復糾賊數萬刼寧夏

紀事  
本末

宜君盜起寇掠西安諸縣



四年二月宜君賊起和尚等犯涇陽三原韓城澄城三月賊帥孫

繼業等來降總督楊鶴受之

紀事本末

夏四月總督楊鶴招神一魁降之

四月己未賊神一魁降於楊鶴鶴責數其罪懼伏謝一魁有戰騎

五千鶴侈其事上言乞賜數萬金賑濟又止巡撫練國事北征商

雒賊亦求撫於國事從之其脇從饑民各給牒回籍首領置軍中

丁卯延綏巡撫洪承疇令守備賀人龍勞降者酒降者入謝伏兵

斬三百二十人

紀事本末

降盜不沾泥叛攻米脂官軍擊降之

降盜不沾泥擁衆脇糧賞復攻米脂總兵王承恩侯拱極率兵至

葭州洪承疇張應昌亦至賊分兩營以待連戰賊始遁追至西川

斬三百餘級賊溺死無算官兵屯西川雙湖峪其間窰塞六十有



四皆險絕盡為賊數承嘯在設防堵截不沾泥懼率百騎  
關山領都司馬科等追之盡殲其騎不沾泥乃降殺賊目雙翅虎  
縛紫金龍自贖紀事本末

五月總兵王承恩擊宜川賊降之

崇禎辛未五月王承恩擊宜川賊敗之闖王虎金翅鵬乞降餘賊  
走宜君其衆二萬紀事本末

陝西都司曹變蛟擊賊於唐毛山大破之

五月陝西都司曹變蛟追寧塞遺賊於唐毛山賊大潰四戰皆捷  
先後斬一千四百餘級而寧塞遺賊稍殺矣紀事本末

賊寇韓城邵陽叅將張全昌破走之

延安賊趙四兒以萬餘人掠韓城邵陽靈州叅將張全昌以五百  
人戰三日斬三百餘級賊走鄜州復進擊斬六百餘級尋降紀事本末



六月官軍擊鄜州賊敗降之

六月辛酉鄜州賊混天猴張孟金謀襲靖邊張應昌邀之於真水川敗之追斬四百餘級癸亥混天猴獨行狼等萬餘人自甘泉犯合水洪承疇率兵追擊敗之甘泉山中混天猴等乞降

紀事本末

秋七月賊復掠鄜州擊破之

七月賊首上天龍馬老虎獨行狼復掠鄜州列三營於太平原楊鶴王承恩擊破之上天龍等以二千人降給事中孟國祥曹履太各奏撫賊欺飾之弊逮陝西三邊都御史楊鶴下獄論戍之

紀事本末

九月降盜神一魁叛據寧塞討誅之

九月神一魁復叛據寧塞張應昌討之其黨黃友才斬以獻是月

獨頭虎滿天星一丈青上天猴等恣掠宜維

二申野錄

冬十一月賊陷安塞閏十一月陷安定王承恩克之



崇禎辛未十一月陝西賊譚雄陷安塞襲掠一空仍乞撫閏十一月總兵王承恩誘譚雄等五人斬之癸丑降賊不沾泥張存孟陷安定王承恩討克安塞斬五百餘級卽進勦安定賊走綏德紀事本末賊陷甘泉副使張允登等死之

降丁混天猴勾盜夜陷甘泉劫餉銀十萬八千兩殺知縣郭永圖河西道張允登戰死洪承疇聞之遣王承恩分勦以甘泉鄜延咽喉而自以四百人赴之賊勢日熾承疇日不暇給矣紀事本末

十二月賊陷葭州僉事郭景嵩死之

崇禎辛未十二月甘泉賊陷宜君又陷葭州兵備僉事郭景嵩死之諸降盜復叛攻綏德紀事本末

五年春正月賊陷宜君二月陷鄜州

崇禎壬申正月延綏賊僞爲米商陷宜君復陷保安

明紀會纂二月盜



夜入鄜州僉事郭應響死之

紀事本末

三月套酋入寇曹文詔拒却之

河套以三百騎近塞稱捕漢求款于總李世科陣歿曹文詔等擊之乃不得入

明史畧

秋八月曹文詔擊賊於甘泉破之

八月曹文詔擊賊於甘泉敗之洪承疇令脇從者免殺降四千餘人散者亦數千人餘賊散匿山谷

紀事本末

六年秋九月插罕寇鄜延

插罕自高家堡入犯焚掠至石窰溝九月插漢入延安至鄜州套

部爲插罕所逼火落太及古魯部來降

延綏鎮志

叛盜不沾泥寇葭州

癸酉九月不沾泥等至三岔川總兵王承恩禦之東去掠葭州

延綏



冬十二月延綏巡撫陳奇瑜擊賊於永寧關大破之

時秦賊已盡入晉而延綏賊首鑽天哨開山斧獨據永寧關前阻山險下臨黃河負固數年不下奇瑜謀取之乃陽傳總制檄發兵簡衆抵延川潛師疾走入山賊不虞大兵至倉皇潰佚焚其巢縱擊斬首千六百級二賊死分兵擊賊首一座城斬之奇瑜威名著關陝

明鑑易知錄

是年冬山西河北賊分入漢中興平陝西賊陷鎮安

二申野錄

七年春正月李自成張獻忠敗走盩鄠

總督洪承疇率總兵曹文詔等先後勦諸賊斬獲甚衆羣賊奔入商維興平大山中自成獻忠奔盩鄠間

紀事本末

賊陷漢南諸縣



正月辛丑陝賊陷洵陽逼興安土寇乘之漢中震動興安賊連陷紫陽平利白河道臣王在台固守興安洪承疇赴援城得全時練國事移兵商雒賊南破鳳縣入四川

紀事本末

詔延綏巡撫陳奇瑜督師討賊

進陳奇瑜兵部右侍郎總督軍務視賊所向隨方勦撫

明紀曾纂

夏四月四川湖廣賊趨漢中五月洪承疇會師逐賊走匿

四月川賊復入陝已郊陷鳳縣先是三邊總督洪承疇因插漢犯甘肅卽漢中北行至棧道青橋驛聞川賊數萬營寧羗乃返至沔州援之賊由平陽關過河奔鞏昌承疇檄副將賀人龍等兵三千赴藍田夾擊及兩當鳳縣連陷賊分道一向邊方一向漢中知府斷棧道守雞頭岡賊不得前間道犯城固洋縣官兵禦却之賊走石泉漢陰又別部賊二萬由鳳縣趨寶雞汧陽求撫承疇姑慰諭



焉時撫治鄖陽盧象昇總督陳奇瑜以數省兵力瘁于楚楚賊盡  
西奔漢中而川巴通江入西鄉者復二三千凡名賊盡歸漢中與  
平而接於商維癸未復謀入川阻大江入西安之終南五月陝別  
賊畧廊延官軍迫之皆傍終南山竄入商維羣盜畢集深入大峪  
承疇會師進逐之遂東走網峪川復入大山遠竄

紀事本末

六月陳奇瑜擊賊於漢中受其降

總督陳奇瑜圍李自成於漢中車廂峽會連雨四十日賊馬乏芻  
死者過半弓矢俱脫賊大窘自成乃自縛乞降奇瑜許之各給免  
死票回籍自是復縱橫不可制矣

紀事本末

崇禎甲戌五月陝賊再陷

鳳縣漢南六月洪承疇等阨賊漢中賊詐降陳奇瑜信之賊出棧

道陷麟遊永壽同官

二申野錄

秋七月鳳翔守臣殺賊陳奇瑜奏逮之



七月辛卯賊至鳳翔藉口奉督撫檄安插城內守臣知其詐給以門不敢啟湏縋城上先登三十六人盡殺之陳奇瑜因借爲辭劾地方官紳撓債撫局命緹騎逮寶鷄知縣李嘉彥鳳翔鄉紳孫鵬等下獄

紀事本末

巡撫練國事擊賊於藍屋殲之

叛兵楊國棟擁三千騎披雙鎧直抵西安城下乞撫巡按范復粹無計登陴固守巡撫練國事在鄠縣聞之馳還登南城檄賊至濠畔語一日夜未決度不受撫必西走鄠藍屋密檄沿途官兵馳備更設伏於藍屋之夾水溝時禾茂泥淖騎不任馳伏發殲其半國事遣官招之諭殺渠自贖予上賞頃之一賊斬國棟以獻賊人人自疑互戕千餘人餘仍入南山

紀事本末

李自成陷澄城



崇禎甲戌七月闖賊陷澄城圍邵陽聞洪承疇兵至解圍去轉掠邠州時張獻忠敗奔商雒與李自成合陷澄城寇邠州旋與羣賊

出潼關

二申野錄

賊自鳳翔東犯西安官兵禦却之賊走商雒

乙未賊混世王等從鳳翔東奔云犯西安洪承疇馳一日夜入西安檄諸路兵赴西安合擊賊賊颺至西安東境官軍以力疲未能出承疇恐賊東出潼關先令張全昌曹變蛟間道走渭華遏其前而自率兵至潼關追賊遊擊李效祖柏永鎮力戰賊卻不能出關因登山承疇馳赴藍田欲從山後間道勦之丙午賊覘知官兵意夜走商雒初老回回等萬餘先踞雒南山中今又益盜萬餘其地山谷險阻承疇率諸將兵共三千人赴潼關大峪口截其出仍備關

鄉靈寶諸處

紀事本末



八月李自成據乾州

李自成陷威寧殺知縣趙躋昌洪承疇兵至賊棄金錦餌官兵竟

西遁屯乾州招之不應

紀事本末

賊陷隴州

崇禎甲戌八月陝賊復陷隴州閏八月陳奇瑜至鳳縣時賊益熾

衆殆二十萬

二申野錄

八月陳奇瑜招撫降賊復叛先是川兵阨巴西

諸險賊無所得食故乞降於奇瑜凡數萬人奇瑜專事招撫受其

降檄諸軍按甲不動遣官監護降者檄所過郡邑具糗糧傳送之

度棧道已出險漸不受繩束仍肆殺掠盡殺護官五十員攻城陷

麟游永壽勢不可遏矣

明紀會纂

九月賊陷扶風

崇禎甲戌九月陝賊陷扶風時賊二十餘營至函谷連屯百餘里



別賊萬餘連營雒南西北至邠州長安西南則盤屋寶雞大寇皆

聚秦中

明史  
畧

洪承疇遣兵援隴州

先是賊圍賀人龍於隴州賊先鋒高傑降於賀人龍人龍率以襲賊稍卻之至是洪承疇遣左斗先等援隴州賀人龍圍始解

明史  
畧

冬十月總兵左光先擊賊於高陵富平敗之

左光先擊李自成於高陵富平間斬首四百餘級自成佯求撫真寧知縣王家永遽信之出城招諭失其印陝西巡按御史傅永淳上言降盜破城陷邑所在騷然皆由陳奇瑜專主招降不許道途問訊開門揖盜勦撫兩妨皆奇瑜之流毒也吳甡言招安流盜最宜慎重彼狼子野心勢難馴伏况邊地窮荒蕪居無食僅曰免死遂甘心易慮乎哉

明史  
畧



八年春正月賊犯商南入漢中

崇禎乙亥春正月河南北賊犯商南河南賊復入漢中

二申野錄

先是

秦賊數十萬出關三分入晉入豫入楚總督洪承疇抵河南河南諸盜知承疇至又入潼關承疇遣副總兵來引昌以兵千二百往

戍西安

紀事本末

二月賊寇西安三月賊陷寧羗

二月癸未賊寇通潼關雒南者又折入秦中約六七萬西安諸縣

並遭蹂躪有四大營北渡渭突剽邠耀間乙未命陝西巡撫移商

州調度與安漢中三月壬戌漢中賊陷寧羗

紀事本末

夏四月洪承疇督兵入關討賊

四月乙酉承疇以各寇之復入秦也率諸將自汝入秦檄曹文詔

以師會丙午承疇次靈寶以商雒爲賊藪漢中興平其寄境也令



文詔出閬鄉直擣商洛自馳興安過其犇軼五月甲寅曹文詔夜至五峪寇伏險以誘文詔擊敗之張全昌自咸陽出興平之東老回回等距官兵營五十里賀人龍南入子午谷奪其南徑劉成功及游擊王永祥往東南遏其北走賊夜渡河走郿縣承疇亦渡河追之丙辰至王渠鎮寇方下南山恣掠賀人龍遽擊走之追至大泥峪賊舍騎登山丁巳官兵至郿縣之秦王嶺值寇張全昌擊敗之自是商雒之寇逃終南山中餘寇西奔興平蓋冬春之間賊奔豫楚江北至是又復萃於秦矣

紀事本末

秋七月賊陷澄城八月陷咸陽

崇禎乙亥七月癸亥秦賊陷澄城八月壬午陷咸陽丁酉商雒賊

復入河南

二申野錄

崇禎間流賊數萬自延安來襲縣城韓邵營副將

張全昌大破之

澄城縣志



冬十月洪承疇擊賊於武功敗走之

先是賊翻山鷄降於承疇賊首闖王屯乾州承疇令翻山鷄說之

不聽南走武功承疇追擊敗之闖王自盤屋武功分道渡河

紀事本末

十一月賊據鄜州

十一月辛酉秦賊一字王等部衆二十萬撞天王統十七萬自潼

關出塵埃漲天絡繹百里左良玉與總兵祖寬兩軍相隔不敢邀

擊秦賊屯於鄜州綿亘百里

紀事本末

賊滿天星等寇韓城知縣左懋第率士民守之不克

十一月二十八日侵薛峯

韓城鎮名

者乃賊滿天星也賊衆數千懋第

約守備劉進爵遣兵夜砍其營會同鄉兵舉砲相應賊衆夜亂于

十二月起營北向欲渡河因山西有備會邵陽王參將

名永祥

兵亦

至與韓城兵合遂遁尋闖將賊以數萬自宜雒川入韓境滿天星



復與合賊哨五千騎直抵城下懋第督火器擊退劉進爵遇數重  
賊於土門口四面圍裹血戰得脫賊遂合營圍繞韓城先是懋第  
修濬城池重築攔馬牆以防賊騎城頭火器衝擊賊未敢近懋第  
與紳士合力分城以守會大兵馳救大挫賊於西原馬庄之間賊  
退遂肆毒於四鄉堡寨堅守者甚多懋第與士民同守孤城雖四  
面賊圍前後四十餘日城守時時啟閉薪米出入不絕鄉民入城  
者廟宇公廨皆滿故城未至坐困

左懋第  
韓城集

十二月叅將羅于萃擊賊於漢中敗走之

十二月乙酉漢中羣賊會於漢南戊戌雅黎叅將羅于萃連擊敗  
之窮追賊於子午谷奪其所掠子女二千口賊犇饒風關

紀事  
本末

四川總兵楊玉振與賊戰於雒南敗績死之

玉振四川總戎也崇禎乙亥統兵二萬來雒勦寇駐屯城外粒芥



不擾時秦將之駐縣者酷暴噬民振聞惡甚欲劾奏居無何賊從石梯峪入山衆且數萬振嚴兵迎敵遇賊於黑潭且戰且圍殪賊殆盡振逐賊渠入峪中適有別賊從階峪入者又且數萬秦將忌振成功秘不與知麾兵潛遁川兵遂潰振受害

雒南志

九年春正月賊陷麟遊

正月己巳漢中之賊過天星九條龍陷麟遊

延綏鎮志

是月給事中常

自裕上言流寇數十萬最強無過闖王彼多番漢降丁堅甲鐵騎

洪承疇盧象昇卽日報斬獲不過別營小隊耳於闖勢曾無損也

今秦賊在宜君鄜州當責求秦撫而督理兩臣宜令揣圖闖王賊

渠殲而餘賊自成破竹矣

紀事本末

二月置降賊於延安

總兵柳紹宗等敗過天星於西寧州賊窮蹙請降陝西巡撫甘學



聞受其降安插其部數千人於延安尋沿河劫掠如故

紀事本末

三月賊入漢中

三月乙丑賊闖王錫子塊自興安入漢中

紀事本末

李自成入商雒據三水

先是李自成由潼關而南與諸賊會都司陳永福敗之自成奔漢南循南山遵洛水而行至武功渡渭河走涇陽三原以馬少直趨秦川牛馬營掠馬數千匹攻隴州破之將攻鳳翔且於三水縣牧

馬旬日間有衆數萬

延綏鎮志

總兵曹文詔擊李自成於三水敗績死之

洪承疇檄曹文詔以兵會三水之鉞頭原與李賊遇自成頗怯不敢戰亂世王請爲先鋒自成大喜次日亂世王居前自成居中過天星居後曹變蛟先登敗走文詔繼至過天星力戰亂世王自成



左右擊之曹兵大敗諸軍莫救文詔自刎死文詔與其從子變蛟皆善戰時爲謠曰軍中有一曹流賊聞之心膽搖至是戰死諸軍爲之奪氣自成旣敗曹兵從延安而西官軍逆擊之于羅家山大敗自成所收士馬器械無算遂從鄜州至綏德延綏鎮志○按紀事本末曹文詔於崇禎八年夏六月遇賊于娑羅寨兵敗自刎未詳何賊易知錄則言李自成於九年二月朱仙鎮敗後始入關由商洛圍綏德而于牧馬三水曹文詔戰死事不載延綏志紀自成朱仙鎮敗後走商洛據三水殺曹文詔入綏德殺俞翀霄其事頗詳但無年月可考今依二申野錄與易知錄編次而以延綏志發明其事叙于俞翀霄被執之前以備參考

夏四月延綏總兵俞翀霄引兵逐李自成被執

自成欲往綏德渡河入山西定邊副將張天機力戰却之賊沿河犯朝邑將圍綏德翀霄引兵逐賊陷賊伏中翀霄被執綏延精卒盡覆賊分陷米脂延安綏德賊本延安人至是再入延安衣錦晝遊衍其親戚故從亂者益衆紀事本末



五月詔赦陝西脇從羣盜

五月癸丑下詔大赦山陝脇從羣盜令地方多方安插以消反側  
遠者重治之是月陝賊過天星復叛於延安六月乙酉洪承疇上  
言秦中兵今實數共騎步一萬三千有奇見選川兵五千有奇俱  
步卒專于藍田商雒等處堵勦秦豫接界之寇闖將李自成衆約  
三四萬混天王衆約二萬過天星滿天星衆約二三萬歷次勦散  
混天王逃延綏定邊勢孤復合闖將過天星滿天星等今奔走延  
綏等處猶可督責收拾闖塌天闖王蝎子塊已犇興安漢中進則  
入三秦退可犯楚豫亟宜合兵湊餉力圖協勦

紀事  
本末

秋七月巡撫陝西孫傳庭擊賊於藍屋大破之

崇禎丙子秋七月孫傳庭破賊藍屋擒闖王高迎祥及劉哲等獻  
俘闕下磔於市賊推自成爲闖王九月李自成犯鳳翔漢南賊陷



褒城

二申野錄

十年春正月李自成犯西安

李自成同過天星等出寇涇陽三原西安大震蝎子塊復來會之

駐兵於涇河之濱者八閱月省城兵不敢出會曹變蛟與副將白

廣恩兵至自成走秦州

延綏鎮志

時諸賊混天星侵軼商洛李自成縱

橫西安過天星盤踞汧隴獨行狼在漢南蝎子塊在河西民皆倚

擔而立

紀事本末

十一年春二月李自成敗走商洛

李自成走秦州遯入華亭奔隴州蝎子塊降於孫傳庭又奔寧羗

自七盤關逼成都不下引兵退屯汧陽關曹左兩總兵來會戰數

却乃夜走武功咸陽至三原又分兵往西番族帳中掠馬將次老

鴉關遇總兵祖大弼與戰敗之復走四川廣元賀人龍同降將蝎



子塊追之俘其妻子自成僅與十八人遯自成跣足行捫蘿附葛  
伏窟穴中數日得免間居商洛山中晝則射獵夜則讀書且觀乾  
象云過此六月之阨九五可期以勉慰羣賊高一功笑之曰昔漢  
沛公百戰百敗而得天下汝亦知之乎其所讀之書云爲異人所  
授甚秘不得而知也

延綏  
鎮志

十五年春正月米脂知縣邊大綬發李自成祖墓焚其屍

賊祖海父守忠塋於縣之三峯砦山勢環抱林木鬱蔥若佳城者  
大綬訊之故老曰穴中舊有墨碗一枚躬率夫役入山發掘塚窮  
碗見骨黑如墨額生白毛六七寸許又十一塚生榆一株粗九臂  
籠蔭不可犯衆斧之榆斷墓開骨節綠如銅青亦生黃毛數寸又  
有白蛇長一尺二寸頭角嶄然其餘骨骸有毛者七八塚盡數伐  
掘聚火燒化大小林木盡行砍伐實崇禎十五年正月十四日也



餘生  
錄

夏四月陝西總督孫傳庭殺總兵賀人龍

傳庭檄召諸將於西安聽令人龍以兵來會傳庭大集諸將縛人龍坐之旗下而數之曰爾爲大帥遇寇先潰致秦督委命賊手一死不足塞責也因命斬之因以人龍兵分隸諸將刻期進討人龍米脂人初以諸生效用佐督撫討賊屢殺賊有功叛將劇賊多歸之人龍推誠以待往往得其死力朝廷嘗疑人龍與賊通密勅傳庭殺之賊聞人龍死酌酒相慶曰賀風子死取關中如拾芥矣

明鑑

易知  
錄

十六年秋七月陝督孫傳庭出師討賊

傳庭發兵潼關分道討李自成以總兵牛成虎盧光祖爲前鋒副總兵高傑將降丁爲中軍命四川總兵秦翼明出商洛爲犄角總



兵王定官撫民率綏夏二鎮兵爲後勁

紀事本末

九月孫傳庭還軍潼關

初孫傳庭討賊次郿縣大雨連旬傳庭軍乏餉謀於汝州降盜李際遇陰通賊賊率精騎大至官軍接戰大敗死亡四萬餘人李自成向潼關白廣恩擊破之傳庭亦回軍潼關衆尚四萬

紀事本末

冬十月李自成陷渭南督師孫傳庭知縣楊暄死之

十月壬戌一隻虎陷閿鄉卽自成弟李過也疾走至潼關獲督師大纛賊以纛給守關者乘間突入潼關陷李自成間道緣山崖出潼關後夾攻官軍大潰賊旣入關西行一隻虎陷華陰傳庭及白廣恩退屯渭南賊合衆數十萬陷渭南傳庭沒於陣楊暄被執不屈死賊屠渭南陷華州戊辰陷商州商洛道黃世清不屈死之賊

屠商州

紀事本末



李自成陷西安陝西巡撫馮師孔按察使黃炯長安知縣吳從義指揮崔爾達秦府長史章世炯等死之

十月乙丑賊陷臨潼關中人心所在瓦解馮師孔知寇棘急入西安收保俄賊至師孔督兵出戰城陷被執不屈死之按察使黃炯自盡長安知縣吳從義指揮崔爾達俱投井死秦府長史章世炯自經死紳士死者甚衆右都御史三原焦源溥罵賊磔死磁州道副使祝萬齡至學宮拜先聖從容自經死禮部主事南居業罵賊死宣撫焦源清叅政田時震俱不受僞職死解元席增光舉人朱誼泉俱投井死山東道僉事王徵七日不食死都司吏邱從周罵賊死餘吏民皆相率降於賊總兵白廣恩逃而追獲降之自成據秦王府僞授秦王存樞權將軍世子妃劉氏曰國破家亡願求一死自成遣歸外家賊之犯秦也戶部尚書倪元璐奏曰天下諸



無如秦晉山險用武國也宜諭兩藩能任殺賊不妨假之以大將之權如不知兵宜悉輸所有與其齎盜何如享軍賊平之後益封兩藩各一子如親王亦足以報之書上不報至西安陷秦藩府庫盡爲賊有賊分兵徇諸縣蒲城知縣朱一統抱印投井死先是賊好殺掠牛金星勸以不殺遂嚴戢其下民間稍安堵輒相誑惑人無鬪志自成遂以西安府爲長安榜掠巨室助餉李自成分兵略鄜延中部知縣華堞死之

紀事本末

命余應桂總督陝西三邊收兵勦賊應桂遷延不進

十月庚寅上始聞潼關失守以兵部侍郎余應桂總督陝西三邊收拾邊兵相機勦寇應桂聞命飲泣陛辭曰不益兵餉雖去何益上默然發帑金五萬給軍應桂遷延河上不進

紀事本末

十一月李自成陷延安復陷鳳翔屠之



總兵王定高傑自渭南敗各率所部奔延安自成命賊將田斌守  
西安自往塞上高傑聞賊至以兵渡河而東入山西王定奔榆林  
自成陷延安大會羣賊戎馬萬匹旌旗數十里於米脂祭奠以五  
百騎按行鳳翔守將誘而殲之自成怒親攻鳳翔陷之屠其城紀事  
本崇禎十六年冬自成分遣賊將田見秀徇漢中李過徇延安遣

僞禮政府侍郎姜學一祭奠升米脂縣爲天保府乃檄天保府礫  
賀時雨艾詔於市初米脂諸生賀時雨貢生艾詔詣督師汪喬年  
上書請發自成祖墳爲厭勝計喬年以聞報可事下知縣邊大綬  
發掘焚棄之故賊得而甘心焉人稱爲二義士云

延綏  
鎮志

李自成陷榆林備兵副使都任總兵尤世威及闔城盡死之

十一月壬寅李自成發金數萬招榆林諸將以大寇繼之備兵副  
使都任及故總兵王世顯侯世祿侯拱極尤世威惠顯等歛各堡



精銳入鎮城大集將士問之曰若等守乎降乎各言效死無二遂推世威爲長主號令繕甲兵賊遣僞官說三日不聽賊怒乙未賊四面環攻城上強弩疊射賊死屍山積更發大砲擊之稍却丁巳李自成陷榆林榆林被圍諸將力戰殺賊賊死者萬人攻益力逾旬不克賊以衝車環城穴之城崩數十丈賊擁入城遂陷都任闔室自經死尤世威縱火焚其家百口揮刀突戰死諸將各率所部巷戰殺賊千計賊大至殺傷殆盡無一降者闔城婦女俱自盡諸將死者數百人榆林爲天下勁兵處頻年餉絕軍士饑困而殫義殉城志不少挫闔城男子婦女無一人屈節辱身者

紀事本末

榆林旣

屠二邊俱沒賊無後顧長驅而東矣我

朝順治元年自成僭號西安逼陷京師愍帝遇害

天兵一擊賊敗於山海關狼狽走西安尋自西安出商洛奔辰州自



成爲鄉兵所誅死賊黨潰散

易知錄

謹按紀事所載歷代巡狩征伐凡事關封疆人民者皆採摭史策折衷綱目始敢彙編至

本朝功崇德溥政教所及徧於東西南朔非一隅所能詳述況石室金匱之藏職諸太史外臣無簪筆之任不敢上擬

國史記注時政惟是

恩膏下逮浹於臣民

宸翰昭回光於雲漢三秦之漸被旣深萬姓之瞻依日切謹以頒發之

諭旨及刊布之

御製詩文恭錄於德音類中冠於歷代之首以昭

盛典云



